

古文辭類纂

辭賦類八

古文辭

八

班孟堅兩都賦。

蓋塢先生云凡所舉典於建國之規皆得其要瞻而不穢詳而有體卽班氏之史材也

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府協律之事以興廢繼絕潤色鴻業是以衆庶說豫福應尤盛白麟赤雁芝房寶鼎之歌薦於郊廟神雀五鳳甘露黃龍之瑞以爲年紀故言語侍從之臣若司馬相如虞邱壽王東方朔枚皋王褒劉向之屬朝夕論思日月獻納而公卿大臣御史大夫兒寬太常孔臧大中大夫董仲舒按漢武帝前本有中大夫此中大夫之巨者故稱大也中大夫武帝後改爲光祿大夫其秩比二千石則董生爲大中大夫時其秩或中二千石

國比二千石也其後大中大夫蓋不復內侍但屬光祿勳其秩僅千石反小於光祿大夫矣此必宣昭以後之制百官表未詳言其升降但云秩千石則非公卿大臣而賈生自大中大夫爲長沙傅亦何爲降黜乎此實非舊制據孟堅此序足知表之漏闕矣又仲舒傳但云爲中大夫不云爲大中大夫亦是漏也宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與二代同風且夫道有夷隆學有麤密因時而建德者不以遠近易則故皋陶歌虞奚斯頌魯同見采於孔氏列於詩書其義一也稽之上古則如彼考之漢室又如如此斯事雖細然先臣之舊式國家之遺美不可缺也臣竊見海內清平朝廷無事京師修宮室浚城隍而起苑囿以備制度西土耆老咸懷怨思冀上之睠顧而盛稱長安舊制有陋洛邑之議故臣作兩都賦以極衆人之所眩曜折

以今之法度辭曰

有西都賓問於東都主人曰蓋聞皇漢之初經營也嘗有意乎都河洛矣輟而弗康實用西遷作我上都主人聞其故而覩其制乎主人曰未也願賓摠懷舊之蓄念發思古之幽情博我以皇道宏我以漢京賓曰唯唯漢之西都在於雍州實曰長安左據函谷二嶠之阻表以終南太華之山右界褒斜隴首之險帶以洪河涇渭之川衆流之隈汧涌其西華實之毛則九州之上腴焉防禦之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建策留侯演成天人合應以發皇明乃眷西顧實惟作京於是睠秦嶺瞰北阜挾灃灃據龍首圖皇基於億載度宏規而大起肇自高而終平世增飾以宗麗歷十二之延

祚故窮泰而極侈建金城之萬雉呀周池而成淵披三條之廣路立十二之通門內則街衢洞達閭闔且千九市開場貨別隧分人不得顧車不得旋闔城溢郭旁流百塵紅塵四合煙雲相連於是旣庶且富娛樂無疆都人士女殊異乎五方游士擬於公侯列肆侈於姬姜鄉曲豪舉游俠之雄節慕原嘗名亞春陵連交合衆騁驚乎其中若乃觀其四郊浮游近縣則南望杜霸北眺五陵名都對郭邑居相承英俊之域絨冕所興冠蓋如雲七相五公與乎州郡之豪傑五都之貨殖三選七遷充奉陵邑蓋以彊幹弱枝隆上郡而觀萬國也封畿之內厥土千里卓犖諸夏兼其所有其陽則崇山隱天幽林穹谷陸海珍藏藍田美玉商洛緣其隈鄠杜濱其足源泉灌注陂池交屬竹林果園芳草甘木郊野之富號爲近蜀其陰則冠以九峻陪以甘泉

乃有靈宮起乎其中秦漢之所極觀淵雲之所頌歎於是
乎存焉下有鄭白之沃衣食之源提封五萬疆場綺分溝
塍刻鏤原隰龍鱗使渠降雨荷插成雲五穀垂穎桑麻鋪
棻東郊則有通溝大漕潰渭洞河泛舟山東控引淮湖與
海通波西郊則有上囿禁苑林麓薈澤陂池連乎屬漢繚
以周牆四百餘里離宮別館三十六所神池靈沼往往而
在其中乃有九真之隣大宛之馬黃支之犀條枝之烏蹠
崑崙越巨海殊方異類至於三萬里其宮室也體象乎天
地經緯乎陰陽據坤靈之正位放太紫之圓方樹中天之
華闕豐冠山之朱堂因瓊材而究奇抗應龍之虹梁列勞
條以布翼荷棟桴而高驤雕玉璽以居楹裁金璧以飾璫
發五色之渥彩光燭朗以景彰於是左臧右平重軒三階
闔房周通門闔洞開列鐘虞於中庭立金人於端闈仍增

崖而衡闕臨峻路而啓扉徇以離宮別寢承以崇臺閒館
煥若列宿紫宮是環清涼宜溫神僊長年金華玉堂白虎
麒麟區宇若茲不可殫論增盤崔嵬登降炤爛殊形詭制
每各異觀乘茵步輦惟所息宴後宮則有掖庭椒房后妃
之室合歡增城安常處甯苙若椒風披香發越蘭林蕙草
鴛鴦飛翔之列昭陽特盛隆於孝成屋不呈材牆不露形
裏以藻繡絡以綸連隋侯明月錯落其間金釭銜壁是爲
列錢翡翠火齊流耀含英懸黎垂棘夜光在焉於是元墀
釳砌玉階彤庭磧磧綵繖琳瑯青瑩珊瑚碧樹周阿而生
紅羅颯纒綺組續紛精曜華燭俯仰如神後宮之號十有
四位窈窕繁華更盛迭貴處乎斯列者蓋以百數左右庭
中朝堂百寮之位蕭曹魏邴謀謨乎其上佐命則垂統輔
翼則成化流人漢之愷悌蕩亡秦之毒螫故令斯人揚樂

和之聲。

魏按此用王襄命王褒作中和樂職宣布作畫一詩事善注引孔叢子功善者其樂和非也

之歌功德著乎祖宗膏澤洽乎黎庶又有天祿石渠典籍

之府命夫惇誨故老名儒師傅講論乎六藝稽合乎同異

又有承明金馬著作之庭大雅宏達於茲爲羣元元本本

殫見洽聞啓發篇章校理祕文周以鉤陳之位衛以嚴更

之署總禮官之甲科羣百郡之廉孝

魏按此二句乃賡頌習儒林傳以博士弟

子甲科爲郎中故云總禮官之甲科也其廉孝一途則虎若王吉京房俱以孝廉爲郎是也郎選略盡於此二句

賁衣闔尹闔寺陞戟百重各有典司周廬千列微道綺

錯輦路經營修除飛閣自未央而連桂宮北彌明光而互

長樂凌墜道而超西墉提建章而連外屬設壁門之鳳闕

上觚稜而棲金爵內則別風嶢嶢眇麗巧而聳擢張千門

而立萬戶順陰陽以開闔爾乃正殿崔嵬層構厥高臨乎

未央經駘盪而出馭娑洞杙詣以與天梁上反宇以葢戴

激日景而納光。神明鬱其特起。遂偃蹇而上躋。軼雲雨於太半。虹霓迴帶於勢。楣雖輕迅。與僊狡猶愕眙而不能階。攀井幹而未半。目眴轉而意迷。捨櫺檻而卻倚。若顛墜而復稽。魂怳怳以失度。巡迴塗而下低。旣懲懼於登望。降周流以徬徨。步甬道以縈紆。又杳窅而不見。陽排飛闥而上出。若游目於天表。似無依而洋洋。前唐中而後太液。覽滄海之湯湯。揚波濤於碣石。激神岳之蔣蔣。濫瀛洲與方壺。蓬萊起乎中央。於是靈草冬榮。神木叢生。巖峻嶒嶒。金石崢嶸。抗仙掌以承露。曜雙立之金莖。軼埃壒之混濁。鮮顯氣之清英。騁文成之不誕。馳五利之所刑。庶松喬之羣類。時游從乎斯庭。實列僊之攸館。非吾人之所竄。爾乃盛娛游之壯觀。奮大武乎上囿。因茲以威戎。夸狄耀威靈。而講武事。命荊州使起烏詔。梁野而驅獸毛。羣內闐飛羽。上覆

接翼側足集禁林而屯聚水衡虞人修其營表種別羣分
部曲有署罟網連絃籠山絡野列卒周而星羅雲布於是
乘鸞輿備法駕帥羣臣披飛廉入苑門遂繞鄠鄠歷上蘭
六師發逐百獸駭殫震震爚爚雷奔電激草木塗地山淵
反覆蹂躪其十二三乃拗怒而少息爾乃期門飲飛列刃
鑽鏃要蹠追縱鳥驚觸絲獸駭值鋒機不虛掎弦不再控
矢不單殺中必疊雙颺颺紛紛增繳相纏風毛雨血灑野
蔽天平原赤勇士厲援攸失木豺狼懾鼠爾乃移師趨險
並蹈潛穢窮虎奔突狂兇觸蹶許少施巧秦成力折倚僂
狡扼猛噬脫角挫脰徒搏獨殺挾師豹批熊螭曳犀犛頓
象罷超洞壑越峻崖蹙嶄巖巨石頽松柏赴叢林摧草木
無餘禽獸殄夷於是天子乃登屬玉之館歷長楊之榭覽
山川之體勢觀三軍之殺獲原野蕭條目極四裔禽相鎮

壓獸相枕藉然後收禽會衆論功賜胙陳輕騎以行包騰
酒車以斟酌割鮮野食舉烽命醕饗賜畢勞逸齊大輅鳴
鑾容與徘徊集乎豫章之宇臨乎昆明之池左牽牛而右
織女似雲漢之無涯茂樹蔭蔚芳草被隄蘭茝發色畦畦
猗猗若摘錦與布繡燭耀乎其陂鳥則元鶴白鷺黃鵠鵠
鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠
集霧散於是後宮乘輅輅登龍舟張鳳蓋建華旗祛黼帷
鏡清流靡微風澹淡浮權女謳鼓吹震聲激越營厲天鳥
羣翔魚窺淵招白鵲下雙鵠揄文竿出比目撫鴻罾御矰
繳方舟並驚倪仰極樂遂乃風舉雲搖浮游博覽前乘秦
嶺後越九峻東薄河華西涉岐雍宮館所歷百有餘區行
所朝夕儲不改供禮上下而接山川究休佑之所用采游
童之歡謠第從臣之嘉頌於斯之時都都相望邑邑相屬

國藉十世之基家承百年之業士食舊德之名氏農服先
疇之畝稟按王嘉傳倉氏庫氏則倉庫吏之後也又如
淳漢書注律年二十三傳之疇官各從其父疇
學商循族世之所蓄工用高曾之規矩絜乎隱隱各得其
所若臣者徒觀迹於舊墟聞之乎故老十分未得其一端
故不能徧舉也

東都主人喟然而嘆曰痛乎風俗之移人也子實秦人矜
夸館室保界河山信識昭襄而知始皇矣烏覩大漢之云
爲乎夫大漢之開元也奮布衣以登皇位由數期而創萬
代蓋六籍所不能談前聖靡得而言焉當此之時攻有橫
而當天討有逆而順民故婁敬度勢而獻其說蕭公權宜
而拓其制時豈泰而安之哉計不得已也吾子曾不是
睹顧曜後嗣之末造不亦暗乎今將語子以建武之治永
平之事監於太清以變子之惑志往者王莽作逆漢祚中

缺天人致誅六合相滅於時之亂生民幾亡鬼神泯絕壑
無完樞邪罔遺室原野厭人之肉川谷流人之血秦項之
災猶不克半書契以來未之或紀故下人號而上訴上帝
懷而降監乃致命乎聖皇於是聖皇乃握乾符闢坤珍披
皇圖稽帝文赫然發憤應若興雲霆擊昆陽憑怒雷震遂
超大河跨北嶽立號高邑建都河洛紹百王之荒屯因造
化之盪滌體元立制繼天而作系唐統接漢緒茂育羣生
恢復疆宇勲兼乎在昔事勤乎三五豈特方軌並跡紛綸
后辟治近古之所務蹈一聖之險易云爾哉且夫建武之
元天地革命四海之內更造夫婦肇有父子君臣初建人
倫實始斯乃伏羲氏之所以基皇德也分州土立市朝作
舟輿造器械斯乃軒轅氏之所以開帝功也龔行天罰應
天順人斯乃湯武之所以昭王業也遷都改邑有殷宗中

興之則焉卽土之中有周成隆平之制焉不階尺土一人
之柄同符乎高祖克己復禮以奉終始允恭乎孝文憲章
稽古封岱勒成儀炳乎世宗按六經而校德眇古昔而論
功仁聖之事旣該而帝王之道備矣至於永平之際重熙
而累洽盛三雍之上儀修袞龍之法服鋪鴻藻信景鑠揚
世廟正子樂神人之和允洽羣臣之序旣肅乃動大輅遵
皇衢省方巡狩窮覽萬國之有無考聲教之所被散皇明
以燭幽然後增周舊修洛邑扇魏魏顯翼翼光漢京於諸
夏總八方而爲之極是以皇城之內宮室光明闕庭神麗
奢不可踰儉不能侈外則因原野以作苑填流泉而爲沼
發蘋藻以潛魚豐圃草以毓獸制同乎梁鄒誼合乎靈囿
若乃順時節而蒐狩簡車徒以講武則必臨之以王制考
之以風雅歷騶虞覽駟騏嘉車攻采吉日禮官整儀乘輿

乃出於是發鯨魚鏗華鐘登玉輅乘時龍鳳蓋琴麗和鑾
玲瓏天官景從寢威盛容山靈護野屬御方神雨師泛灑
風伯清塵千乘雷起萬騎紛紜元戎竟野戈鋌彗雲羽旄
埽霓旌旗拂天焱焱炎炎揚光飛文吐燭生風欽野歎山
日月爲之奪明邱陵爲之搖震遂集乎中囿陳師按屯駢
部曲列校隊勒三軍誓將帥然後舉烽伐鼓申令三驅輕
車霆激驍騎電驚由基發射范氏施御弦不啁禽轡不詭
遇飛者未及翔走者未及去指顧儻忽獲車已實樂不極
盤殺不盡物馬踔餘足士怒未滅先驅復路屬車按節於
是薦三犧效五牲禮神祇懷百靈觀明堂臨辟雍揚緝熙
宣皇風登靈臺考休徵俯仰乎乾坤參象乎聖躬日中夏
而布德瞰四裔而抗稜西盪河源東瞻海濬北動幽崖南
燁朱垠殊方別區界絕而不鄰自孝武之所不征孝宣之

所未臣莫不陸驚水慄奔走而來賓遂綏綏哀牢開永昌春
王三朝會同漢京是日也天子受四海之圖籍膺萬國之
貢珍內撫諸夏外綏百蠻爾乃盛禮興樂供帳置千雲龍
之庭陳百寮而贊羣后究皇儀而展帝容於是庭實千品
旨酒萬鍾列金罍班玉觴嘉珍御太牢饗爾乃食舉雍徹
太師奏樂陳金石布絲竹鍾鼓鏗鉤管絃瑟煜抗五聲極
六律歌九功舞八佾韶武備泰古畢四夷間奏德廣所及
僕侏毘離罔不具集萬樂備百禮暨皇歡浹羣臣醉降煙
燭調元氣然後撞鐘告罷百寮遂退於是聖上觀萬方之
歡娛又沐浴於膏澤懼其侈心之將萌而怠於東作乃申
舊章下明詔令有司班憲度昭節儉示太素去後宮之麗
飾損乘輿之服御抑工商之淫業興農桑之盛務遂令海
內棄末而反本背僞而歸真女修織紵男務耕耘器用陶

匏服尙素元恥纖靡而不服賤奇麗而弗珍捐金於山沈
珠於淵於是百姓滌瑕盪穢而鏡至清形神寂寞耳目不
營嗜欲之源滅廉恥之心生莫不優游而自得玉潤而金
聲是以四海之內學校如林庠序盈門獻酬交錯俎豆莘
莘下舞上歌蹈德詠仁登降飫宴之禮旣畢因相與嗟嘆
元德讜言宏說咸含和而吐氣頌曰盛哉平斯世今論者
但知誦虞夏之書詠殷周之詩講羲文之易論孔氏之春
秋罕能精古今之清濁究漢德之所由唯子頗識舊典又
徒馳騁乎末流溫故知新已難而知德者鮮矣且夫僻界
西戎險阻四塞修其防禦孰與處乎土中平夷洞達萬方
輻湊秦嶺九嶷涇渭之川曷若四瀆五嶽帶河沂洛圖書
之淵建章甘泉館御列僊孰與靈臺明堂統和天人太液
昆明鳥獸之園曷若辟雍海流道德之富游俠踰侈犯義

侵禮孰與同履法度翼翼濟濟子徒習秦阿房之造天而不知京洛之有制識函谷之可關而不知王者之無外主人之辭未終西都賓矍然失容逡巡降階慄然意下捧手欲辭主人曰復位今將授子五篇之詩賓既卒業乃稱曰美哉平斯詩義正乎揚雄事實乎相如匪唯主人之好學蓋乃遭遇平斯時小子狂簡不知所裁既聞正道請終身而誦之其辭曰

於昭明堂明堂孔陽聖皇宗祀穆穆煌煌上帝宴饗五位時序誰其配之世祖光武普天率土各以其職猗歟緝熙允懷多福

乃流辟雍辟雍湯湯聖皇蒞止造舟爲梁皤皤國老乃父乃兄抑抑威儀孝友光明於赫太上示我漢行洪化唯神永觀厥成

乃經靈臺靈臺既崇帝勤時登爰考休徵三光宣精五行
布序習習祥風祈祈甘雨百穀蓁蓁庶草蕃廡屢惟豐年
於皇樂胥

嶽修貢兮川效珍吐金景兮歆浮雲寶鼎見兮色紛紜煥
其炳兮被龍文登祖廟兮享聖神昭靈德兮彌億年

啓靈篇兮披瑞圖獲白雉兮效素烏嘉祥阜兮集皇都發
皓羽兮奮翹英容潔朗兮於淳精彰皇德兮侔周成永延
長兮膺天慶

傅武仲舞賦。

楚襄王旣游雲夢使宋玉賦高唐之事將置酒宴飲謂宋
玉曰寡人欲觴羣臣何以娛之玉曰臣聞歌以詠言舞以
盡意是以論其詩不如聽其聲聽其聲不如察其形激楚
結風陽阿之舞材人之窮觀天下之至妙噫可以進乎王

曰其如鄭何玉曰小大殊用鄭雅異宜弛張之度聖哲所
施是以樂記干戚之容雅美蹕蹕之舞禮設三爵之制頌
有醉歸之歌夫咸池六英所以陳清廟協神人也鄭衛之
樂所以娛密坐接歡欣也餘日怡蕩非以風民也其何害
哉王曰試爲寡人賦之玉曰唯唯夫何皎皎之閒夜兮明
月爛以施光朱火噤其延起兮耀華屋而熠洞房黼帳祛
而結組兮鋪首炳以焜煌陳茵席而設坐兮溢金罍而列
玉觴騰觚爵之斟酌兮漫旣醉其樂康嚴顏和而怡懌今
幽情形而外揚文人不能懷其藻兮武毅不能隱其剛簡
情跳踣般紛拏兮淵塞沈蕩改恒常兮於是鄭女出進二
八徐侍姢服極麗姁嫵致態貌嫵妙以妖蠱兮紅顏噤其
揚華眉連娟以增繞兮日流睇而橫波珠翠的皪而熠燿
兮華袿飛髻而雜纖羅顧形影自整裝順微風揮若芳動

朱脣紆清陽亢音高歌爲樂之方歌曰攄予意以宏觀今
繹精靈之所束弛緊急之絃張今慢末事之軌曲舒恢
之廣度今闊細體之苛縟嘉關雎之不淫今哀蟋蟀之
促啓泰貞之否隔今超遺物而度俗揚激徵騁清角贊
舞操奏均曲形態和神意協從容得志不劫於是躡節
鼓陳舒意自廣游心無垠遠思長想其始興也若俯若
仰若來若往雍容惆悵不可爲象其少進也若霸若行
若疎若傾兀動赴度指顧應聲羅衣從風長袞交橫駉
駉飛散颯沓合并鷗鷺燕居拉搯鵠驚綽約閒靡機迅
體輕姿絕倫之妙態懷慤素之潔清修儀操以顯志今
獨馳思乎杳冥在山峨峨在水湯湯與志遷化容不虛
生明詩表指噴息激昂氣若浮雲志若秋霜觀者增嘆
諸工莫當於是合場遞進案次而俟埒材角妙夸容乃
理軼態橫出瑰姿譎起

般鼓則騰清眸吐哇咬則發皓齒摘齊行列經營切儼髣髴神動迴翔竦峙擊不致策蹈不頓趾翼爾悠往闇復輟已及至回身還人迫於急節浮騰累跪跼蹐摩跌紆形赴遠淮似摧折纖縠蛾飛紛焱若絕超逾鳥集縱弛殞歿螭蛇舛媚雲轉飄忽體如游龍衰如素蜺黎收而拜曲度完畢遷延微笑退復次列觀者稱麗莫不怡悅於是歡洽宴夜命遣諸客擾攘就駕僕夫正策車騎並仰龍從逼迫良駿逸足搶捍凌越龍驤橫舉揚鑣飛沫馬材不同各相傾奪或有踰埃赴轍霆駭電滅跡地遠羣鬧跳獨絕或有宛足鬱怒殷桓不發後往先至遂爲逐末或有矜容愛儀洋洋習習遲速承意控御緩急車音若雷驚驟相及駉漠而歸雲散城邑天王燕胥樂而不佚娛神遺老永年之術優哉游哉聊以永日

合河蕭氏
刻梓家譜

辭賦類九

古文辭類纂六十九

張平子二京賦。

鼎按西京雄麗欲掩孟堅東京則氣不足舉其辭不若東都之簡當惟末章諷戒摯切處爲勝

有憑虛公子者心參體忼雅好博古學乎舊史氏是以多識前代之載言於安處先生曰夫人在陽時則舒在陰時則慘此牽乎天者也處沃土則逸處瘠土則勞此繫乎地者也慘則勤於勸勞則禰於惠能違之者寡矣小必有之大亦宜然故帝者因天地以致化兆民承上教以成俗化俗之本有與推移何以覈諸秦據雍而彊周卽豫而弱高祖都西而秦光武處東而約政之興衰常由此作先生獨不見西京之事歟請爲吾子陳之漢氏初都在渭之浹秦里其朔實爲咸陽左有崤函重險桃林之塞綴以二華巨

靈·臯·鳳·高·掌·遠·蹠·以·流·河·曲·厥·跡·猶·存·右·有·隴·坻·之·隘·隔·
陽·華·戎·岐·梁·汧·雍·陳·寶·鳴·雞·在·焉·於·前·則·終·南·太·一·隆·崛·
崔·宰·隱·麟·鬱·律·連·岡·乎·嶧·冢·抱·杜·含·鄠·飲·灃·吐·鎬·爰·有·藍·
田·珍·玉·是·之·自·出·於·後·則·高·陵·平·原·據·渭·踞·涇·漣·漫·靡·迤·
作·鎮·於·近·其·遠·則·有·九·峻·甘·泉·涸·陰·沍·寒·日·北·至·而·含·凍·
此·焉·清·暑·爾·乃·廣·衍·沃·野·厥·田·上·上·實·爲·地·之·奧·區·神·皋·
昔·者·大·帝·悅·秦·繆·公·而·覲·之·饗·以·鈞·天·廣·樂·帝·有·醉·焉·乃·
爲·金·策·錫·用·此·土·而·剪·諸·鷄·首·是·時·也·並·爲·彊·國·者·有·六·
然·而·四·海·同·宅·西·秦·豈·不·詭·哉·自·我·高·祖·之·始·入·也·五·緯·
相·汁·以·旅·於·東·井·婁·敬·委·輅·幹·非·其·議·天·啓·其·心·人·悉·之·
謀·及·帝·圖·時·意·亦·有·慮·乎·神·祇·宜·其·可·定·以·爲·天·邑·豈·伊·
不·虔·思·於·天·衢·豈·伊·不·懷·歸·於·枌·榆·天·命·不·消·疇·敢·以·渝·
於·是·量·徑·輪·考·廣·袤·經·城·洫·營·郭·郭·取·殊·裁·於·八·都·豈·敢·

度於往舊爾乃覽秦制跨周法狹百堵之側陋增九筵之
迫脅正紫宮於未央表嶢闕於閭闔疏龍首以抗殿狀崑
嵒以岌嶭互雄虹之長梁結棼櫨以相接帶倒茄於藻井
披紅葩之狎獵飾華棖與璧瑤流景曜之韡韡雕楹玉碣
繡栢雲楣三階重軒鏤檻文槐右平左城青瑣丹墀刊層
平堂設砌厓隙坻嶢鱗胸棧齷嶢嶮巖襄岸夷塗修路峻險
重門襲固姦充是防仰福帝居陽曜陰藏洪鐘萬鈞猛虞
趙趙負筇業而餘怒乃奮翅而騰驤朝堂承東溫調延北
西有玉臺聯以昆德嵯峨嵯峨罔識所則若夫長年神僊
宣室玉堂麒麟朱雀龍興含章臂衆星之環極叛赫戲以
輝煌正殿路寢職按路寢謂長樂宮正闕其殿名大夏前
卓傳注引三輔舊事云漢置銅人長樂宮
大夏殿前用朝羣辟大廈耽耽九戶開闢嘉木樹庭芳草如積
高門有閑列坐金狄內有常侍謁者常侍與謁者皆士人
息夫躬傳有中常侍

宋宏道賢傳有中常侍王閔李善注謂關官誤矣中常侍
後漢之制耳謁者後漢選考廉爲之前漢無定制其時人
之謁者則若高后紀中謁者張釋卿是也然漢嬰亦拜爲
中謁者則士人爲常侍謁者並可加中字顏監謂加中字
爲關亦奉命常御外有蘭臺金馬遞宿迭居次有天祿石
非也

渠校文之處重以虎威章溝嚴更之署微道外周千廬內
附衛尉八屯警夜巡費植鍛懸殿用戒不虞後宮則昭陽
飛翔增成合驩蘭林披香鳳皇鴛鴦羣窈窕之華麗嗟內
顧之所觀故其館室次第采飾纖縟哀以藻繡文以朱綠
翡翠火齊絡以美玉流懸黎之夜光綴隨珠以爲燭金妃
玉階彤庭輝輝珊瑚琳碧珎璘彬珍物羅生煥若崑崙
雖厥裁之不廣侈靡踰乎至尊於是鉤陳之外閣道穹隆
屬長樂與明光徑北通於桂宮命殷爾之巧匠盡變態乎
其中於是後宮不移樂不徙懸門衛供帳官以物辦恣意
所幸下輦成燕窮年忘歸猶弗能徧瑰異日新殫所未見

以上賦城內宮殿以下賦城不離宮
獨舉甘泉建章者以帝常居此也
惟帝王之神麗懼尊
卑之不殊雖斯宇之既坦心猶憑而未據思比象於紫微
恨阿房之不可廬視往昔之遺館獲林光於秦餘處甘泉
而爽塏乃隆崇而宏敷既新作於迎風增露寒與儲胥託
喬基於山岡直墀寬以高居通天眇以竦峙徑百常而莖
擢上辨華以交紛下刻隋其若削翔鸞仰而弗逮沉青鳥
與黃雀伏櫺檻而頽聽聞雷霆之相激柏梁既災越巫陳
方建章是經用厭火祥營宇之制事兼未央園闕竦以造
天若雙碣之相望鳳騫翥於甍標咸遡風而欲翔閭闔之
內別風嶢嶢何工巧之瑰瑋交綺豁以疏寮千雲霧而上
達狀亭亭以岩岩神明崛其特起井幹疊而百增跼游極
於浮柱結重欒以相承累層構而遂躋望北辰而高興消
霧埃於中宸集重陽之清激瞰宛虹之長髻察雲師之所

憑上飛闥而仰眺正觀瑤光與玉繩將乍往而未半怵悼
慄而聳兢非都盧之輕趨孰能超而究升馭娑貽溫燾昇
結桀杌詣承光睽眾庠豁增梓重夢鐸鐸列列反宇業業
飛檐轆轤流景內照引曜日月天梁之宮實開高閣旗不
脫局結駟方斬櫟輻輕驚容於一扉長廊廣廡連閣雲蔓
閉庭詭異門千戶萬重閨幽闥轉相踰延望竒篠以徑廷
眇不知其所返旣乃珍臺蹇產以極壯燈道邈倚以正東
似閭風之遐坂橫西洫而絕金墉城尉不弛柝而內外潛
通前開唐中潮望廣漾顧臨太液滄池潏沆漸臺立於中
央赫昉昉以宏敞清淵洋洋神山峩峩列瀛洲與方丈夾
蓬萊而駢羅上林岑以巒隸下嶺巖以岳巔長風激於別
隄起洪濤而揚波浸石菌於重涯濯靈芝以朱柯海若游
於元渚鯨魚失流而蹉跎於是采少君之端信庶樂大之

貞。固。立。修。莖。之。僊。掌。承。雲。表。之。清。露。屑。瓊。藥。以。朝。餐。必。性。
命。之。可。度。美。往。昔。之。松。喬。要。羨。門。乎。天。路。想。升。龍。於。鼎。湖。
豈。時。俗。之。足。慕。若。歷。世。而。長。存。何。遽。營。平。陵。墓。徒。觀。其。城。
郭。之。制。以下城則。旁。開。三。門。參。塗。夷。庭。方。軌。十。二。街。衢。相。
經。塵。里。端。直。蕘。宇。齊。平。北。闕。甲。第。當。道。直。啓。程。巧。致。功。期。
不。陲。彫。木。衣。綈。錦。土。被。朱。紫。武。庫。禁。兵。設。在。蘭。綺。匪。石。匪。
董。疇。能。宅。此。爾。乃。廓。開。九。市。通。關。帶。閭。旗。亭。五。重。俯。察。百。
隧。周。制。大。胥。今。也。惟。尉。環。貨。方。至。鳥。集。鱗。萃。鬻。者。兼。贏。求。
者。不。匱。爾。乃。商。賈。百。族。裨。販。夫。婦。鬻。良。雜。苦。蚩。眩。邊。鄙。何。
必。昏。於。作。勞。邪。贏。優。而。足。恃。被。肆。人。之。男。女。麗。美。奢。乎。許。
史。若。夫。翁。伯。濁。質。張。里。之。家。擊。鐘。鼎。食。連。騎。相。過。東。京。公。
侯。壯。何。能。加。都。邑。游。俠。張。趙。之。倫。齊。志。無。忌。擬。跡。田。文。輕。
死。重。氣。結。黨。連。羣。實。蕃。有。徒。其。從。如。雲。茂。陵。之。原。陽。陵。之。

朱趨悍越豁如虎如狙睚眦薑芥屍偃路隅丞相欲以贖
子罪陽石污而公孫誅若其五縣游麗辯論之士街談巷
議彈射臧否剖析豪釐劈肌分理所好生毛羽所惡成創
痍郊甸之內鄉邑殷賑五都貨殖既遷既引商旅聯榻隱
隱展展冠帶交錯方輅接軫封畿千里統以京尹郡國宮
館以下補敘諸百四十五右極盤屋并卷鄧鄧左暨河華

遂至號上

善注右扶風有鴛鴦非是此當引地志宏農郡陝縣故魏國左傳東盡魏略是也

上林

禁苑跨谷彌阜東至鼎湖斜界細柳掩長楊而聯五柞繞
黃山而款牛首繚垣繚聯四百餘里植物斯生動物斯止
衆鳥翩翻羣獸駉駉散似驚波聚似京峙伯益不能名隸
首不能紀林麓之饒于何不有木則樅栝櫻楠梓械槲楓
嘉卉灌叢蔚若鄧林鬱蒨蔓蕝櫛爽櫛慘吐葩颺榮布葉
垂陰草則葳莎菅蒯薇蕨荔芡王芻蒹臺戎葵懷羊芣薢

蓬茸彌皋被岡篠蕩敷衍編町成篁山谷原隰泱泱無疆
迺有昆明靈沼黑水元趾周以金堤樹以柳杞豫章珍館
揭焉中峙牽牛立其左織女處其右日月於是乎出入象
扶桑與濛汜其中則有鼉鼉巨鼉鱣鯪鰪鮓鰈鰒鰭修
頰短項大目折鼻詭類殊種鳥則鵲鵲鴝鵒鴛鴦鴻鸕上
春候來季秋就溫南翔衡陽北棲雁門奮隼歸鳧沸卉輶
訶衆形殊聲不可勝論於是孟冬作陰以下寒風肅殺雨
雪飄飄冰霜慘烈百卉具零剛蟲搏摯雨乃振天維衍地
絡蕩川瀆簸林薄鳥畢駭獸咸作草伏木棲寓居穴託起
彼集此霍繹紛泊在彼靈囿之中前後無有垠鍔虞人掌
焉爲之營城焚萊平場柞木翦棘結置百里迄杜蹊塞麀
鹿麋麇駢田偪仄天子乃駕雕軫六駿駁載翠帽倚金較
瞻弁玉纓薛注弁馬冠也纓按馬冠自名錢耳左傳子玉
自爲纓弁玉纓賦正用此言服皮弁以纓耳豈

馬冠

遺光燦燦建元弋樹招搖

何義門改弋爲戈云史記

平搖一外爲盾天鐃晉灼云外遠北斗也一棲鳴鳶曳雲梢
名元戈然元弋又見馬融廣成頌似非誤

弧旌枉矢虹旃蜺旌華蓋承辰天畢前驅千乘雷動萬騎

龍趨屬車之箴載獫狁獯匪惟玩好適有祕書小說九百

本自虞初從容之求實俟實儲於是蚩尤秉鉞奮鬣被殷

禁禦不若以知神姦魑魅魍魎莫能逢旃

烈按此六陳虎
句謂旄頭

旅於飛廉正壘壁平上蘭結部曲整行伍燎京薪賊雷鼓

縱獵徒赴長莽迺卒清候武士赫怒緹衣鞞韜昨跋扈

光炎燭天庭囂聲振海浦河渭爲之波盪吳嶽爲之阨堵

百禽悞遽駭瞿奔觸喪精亡魂失歸忘趨投輪關輻不邀

白遇飛罕瀟箭流鏑掩擐矢不虛舍鋌不苟躍當足見踈

值輪被轢偃禽斃獸爛若磧礫但觀置羅之所網結竿及

之所隍畢叉族之所攬捫徒搏之所撞秘白日未及移晷

已獨其什七八若夫游鵠高翬絕阬踰斥躡兔聯條陵巒
超壑比諸東郭莫之能獲乃有迅羽輕足尋景追恬鳥不
暇舉獸不得發青骹摯於韝下韓盧噬於綵末及其猛毅
鬚鬐隅目高眶威懾兕虎莫之敢伉乃使中黃之士育獲
之儔朱鬣鬣鬣植髮如竿袒裼戟手奎踞盤桓鼻赤象圖
巨挺攬拂羽批竄後措枳落突棘藩梗林爲之靡拉撲叢
爲之摧殘輕銳僞狡適捷之徒赴洞穴探封狐陵重巘獵
昆駘杪木末獲衡胡超殊榛帶飛颺是時後宮嬖人昭儀
之倫常亞於乘輿慕賈氏之如皋樂北風之同車盤於游
畋其樂只且於是鳥獸殫目觀窮遷延邪睨集乎長楊之
宮息行夫展車馬收禽舉幣數課衆寡置互擺牲頒賜獲
鹵割鮮野饗犒勤賞功五軍六師千列百重酒車酌醴方
駕授饗升觴舉燧旣醕鳴鐘膳夫馳騎察貳廉空炙包夥

清酤效皇恩。溥洪德。施徒御。悅士忘罷巾。車命駕。迴旆右。

移以下水嬉。相羊乎五柞之館。旋憩乎昆明之池。登豫章簡牘。

紅蒲且發。弋高鴻。挂白鵠。聯飛龍。踊不特。絙往必加。雙於。

是命舟牧。爲水嬉。浮鵠首。翳雲芝。垂翟葆。建羽旗。齊棹女。

縱擢歌發引。和校鳴葭。奏淮南度陽阿。感河馮懷湘娥。驚。

蜩蝻。憚蛟蛇。然後釣魴鱧。纒鯢鮪。撫紫貝。搏蒼龜。搯水豹。

鬐潛牛。澤虞是濫。何有春秋。擿溲澣。搜川瀆。布九罟。設罝。

麗操鯢。鮪殄水族。蘼藕拔。層蛤剝。逞欲畋。斂效獲麇麋。摎。

蓼泮浪。乾池滌藪。上無逸飛。下無遺走。獲胎拾卵。蜚蜚盡。

取取樂。今日遑恤我後。既定且甯焉。知傾隄。以下陳大駕。

幸乎平樂之館。張甲乙而襲翠被。攢珍寶之玩好。紛瑰麗。

以參靡臨。迴望之廣場。程角觝之妙戲。烏獲扛鼎。都盧尋。

橦。衝狹驚濯。曾突鉅鋒。跳丸劍之揮霍。走索上而相逢。華。

幢。衝狹驚濯。曾突鉅鋒。跳丸劍之揮霍。走索上而相逢。華。

嶽。岷。峨。岡。巒。參。差。神。木。靈。草。朱。實。離。離。總。會。僊。倡。戲。豹。舞。
罷。白。虎。鼓。瑟。蒼。龍。吹。簫。女。娥。坐。而。長。歌。聲。清。暢。而。蛟。蛇。洪。
涯。立。而。指。麾。被。毛。羽。之。襪。灑。度。曲。未。終。雲。起。雪。飛。初。若。飄。
飄。後。遂。霏。霏。復。陸。重。閣。轉。石。成。雷。礚。礚。激。而。增。響。磅。磅。象。
乎。天。威。上。獸。百。尋。是。爲。蔓。延。神。山。崔。巍。欬。從。背。見。熊。虎。升。
而。架。攫。援。狄。招。而。高。援。怪。獸。陸。梁。大。雀。跋。跋。白。象。行。孕。垂。
鼻。麟。輶。海。鱗。變。而。成。龍。狀。踠。踠。以。蠃。蠃。含。利。颺。颺。化。爲。僊。
車。驪。駕。四。鹿。芝。蓋。九。葩。蟾。蜺。與。龜。水。人。弄。蛇。奇。幻。儵。忽。易。
貌。分。形。吞。刀。吐。火。雲。霧。杳。冥。畫。地。成。川。流。渭。通。涇。東。海。黃。
公。赤。刀。粵。祝。冀。厭。白。虎。卒。不。能。救。挾。邪。作。蠱。於。是。不。售。爾。
乃。建。戲。車。樹。修。旃。僊。材。上。下。翩。翻。突。倒。投。而。跟。絰。譬。
殞。絕。而。復。聯。百。馬。同。轡。騁。足。並。馳。撞。末。之。技。態。不。可。彌。彎。
弓。射。乎。西。羌。又。顧。發。乎。鮮。卑。於。是。衆。變。盡。心。醒。醉。游。聲。色。

盤樂極悵懷萃陰戒期門微行要屈降尊就卑懷璽藏紱
便旋閭閭周觀郊遂若神龍之變化彰后皇之爲貴然後
歷掖庭適驩館捐衰色從嬋婉促中堂之陞坐羽觴行而
無算祕舞更奏妙材騁伎妖蟲豔夫夏姬美聲暢於虞氏
始徐進而羸形似不任乎羅綺噉清商而却轉增嫵媚以
跣豸紛縱體而迅赴若驚鶴之羣罷振朱綈於盤樽奮長
袞之颯纒要紹修態麗服颺青睞藐流眄一顧傾城展李
桑門誰能不營列爵十四競媚取榮盛衰無常惟愛所丁
衛后興於鬢髮飛燕寵於體輕爾乃逞志究欲窮身極娛
鑒戒唐詩他人是媼自君作故何禮之拘增昭儀於婕妤
賢旣公而又侯許趙氏以無上恩致蓮於有虞王閔爭於
坐側漢載安而不逾高祖創業繼體承基暫勞永逸無爲
而治耽樂是從何慮何思多歷年所二百餘期徒以地沃

野豐百物殷阜巖險周固襟帶易守得之者強據之者久
流長則難竭柢深則難朽故奢泰肆情而馨烈殲茂鄙生
生乎三百之外傳聞於未聞之者曾髣髴其若夢未一闕
之能覩此何與於殷人屢遷前八而後五居相圯耿不常
厥土盤庚作誥帥人以苦方今聖上同天號於帝皇掩四
海而爲家富有之業莫我大也徒恨不能以靡麗爲國華
獨儉嗇以齷齪忘蟋蟀之謂何豈欲之而不能將能之而
不欲歟蒙竊惑焉願聞所以辨之之說也

安處先生於是似不能言者憮然有問乃莞爾而笑曰若
客所謂末學膚受貴耳而賤目者也苟有胸而無心不能
節之以禮宜其陋今而榮古矣由余以西戎孤臣而惝繆
公於宮室如之何其以溫故知新研覈是非近於此惑也
周姬之末不能厥政政用多僻始於宮鄰卒於金虎嬴氏

搏翼擇肉西邑是時也七雄並爭競相高以奢麗楚築章
華於前趙建叢臺於後秦政利觜長距終得擅場思專其
侈以莫己若乃構阿房起甘泉結雲閣冠南山征稅盡人
力殫然後收以大半之賦威以參夷之刑其遇民也若薙
氏之芟草旣蘊崇之又行火焉悻悻黔首豈徒跼高天躋
厚地而已哉乃救死於其頸毆以就役唯力是視百姓不
能忍是用息肩於大漢而欣戴高祖高祖膺籙受圖順天
行誅杖朱旗而建大號所推必亡所存必固掃項軍於垓
下繼子嬰於軹塗因秦宮室據其府庫作洛之制我則未
暇是以西匠營宮目翫阿房規摹踰溢不度不臧損之又
損然尙過於周堂觀者俠而謂之陋帝已譏其泰而弗康
且高旣受命建家造我區夏矣文又躬自菲薄治致升平
之德武有大啓土宇紀禪肅然之功宜重威以撫和戎狄

呼韓來享咸用紀宗存主

西漢本以高帝爲太祖文帝爲

十九年又尊宣帝曰中宗故並曰紀宗存主

太宗武帝爲世宗及光武建武

捨純懿而論爽德以春秋所諱而爲美談宜無嫌於往初
故蔽善而揚惡祇吾子之不知言也必以肆奢爲賢則是
黃帝合宮有虞總期固不如夏癸之瑤臺殷辛之瓊室也
湯武誰革而用師哉蓋亦覽東京之事以自寤乎且夫天
子有道守在海外守位以仁不恃隘害苟民志之不諒何
云巖險與襟帶秦負阻於二關卒開項而受沛彼偏據而
規小豈如宅中而圖大昔先王之經邑也掩觀九隩靡地
不營土圭測景不縮不盈總風雨之所交然後以建王城
審曲面勢泝洛背河左伊右瀍西阻九阿東門于旋盟津
達其後大谷通其前迴行道乎伊闕邪徑捷乎轘轅太室
作鎮揭以熊耳底柱輟流鐔以大伾溫液湯泉黑丹石緇

王鮪岫居能鑒三趾處妃攸館神用挺紀龍圖授義龜書
界妣召伯相宅卜惟洛食周公初基其繩則直長宏魏舒
是廓是極經途九軌城隅九雉度堂以筵度室以几京邑
翼翼四方所視漢初弗之宅也故宗緒中圯巨猾間釁竊
弄神器厯載三六偷安天位於時蒸民罔敢或貳其取威
也重矣我世祖忿之乃龍飛白水鳳翔參墟授鉞四七共
工是除機槍旬始羣凶靡餘區宇又甯思和求中睿哲元
覽都茲洛宮日止日時昭明有融旣光厥武仁洽道豐登
岱勒封與黃比崇逮至顯宗六合殷昌乃崇新德遂作德
陽崇德殿在南宮見蔡邕傳注光武時本有故曰新德陽殿在北宮見靈紀明帝始立故曰作南北宮相距三里
薛綜注乃云崇德宮在東德陽宮在西相去五十步殆是誤也啓南端之特闢立應門之
將將昭仁惠於崇賢抗義聲於金商飛雲龍於春路屯神
虎於秋方建象魏之兩觀旌六典之舊章其內則含德章

臺天祿宜明溫飭迎春壽安永甯飛閣神行莫我能形濯

龍芳林

續漢志濯龍園名近北宮善注謂池名按池固名濯龍然賦乃指謂園

九谷入溪芙

蓉覆水秋蘭被涯渚戲躍魚淵游龜蠃永安離宮

續漢志永安北

宮東北別小修竹冬青陰池幽流元泉冽清鵲鵲秋棲鵲

鵲春鳴雉鳩麗黃關關嚶嚶於南則前殿雲臺飭驩安福

謠門曲榭邪阻城洫奇樹珍果鉤盾所職西登少華亭候

修勅九龍之內實曰嘉德西南其戶匪雕匪刻我后好約

乃宴斯息於東則洪池

洪池後漢書紀傳作鴻池

清籟

以下皆洛陽城外

淶水

澹澹內阜川禽外豐葭茨猷鼈屨與龜魚供蝸蠃與菱芡

其西則有平樂都場示遠之觀龍雀蟠蜿天馬半漢瑰異

譎詭燦爛炳煥奢未及侈儉而不陋規遵王度動中得趣

於是觀禮禮舉儀具經始勿亟成之不日猶謂爲之者勞

居之者逸慕唐虞之芽茨思夏后之卑室乃營三宮

三宮皆在

平城門外平城門洛陽南門也

布教頒常複廟重屋八達九房規天矩地

授時順鄉造舟清池惟水泱泱左制辟雍右立靈臺因進
距衰表賢簡能馮相觀祲祈禳禳災於是孟春元日羣后
旁戾百僚師師於斯胥泊藩國奉聘要荒來質具惟帝臣
獻琛執贄當覲乎殿下者蓋數萬以二爾乃九賓重臚人
列崇牙張鏞鼓設郎將司階虎戟交鍛龍輅充庭雲旗拂
霓夏正三朝庭燎哲哲撞洪鐘伐靈鼓旁震八鄙軒磻隱
冒若疾霆轉雷而激迅風也是時稱警蹕已下彫輦於東
廂輦按天子輦於東廂前者乃謁陵禮若朝則叔孫通傳
固云輦出房也此廂字必房字之誤而薛李注皆未辨
之冠通天佩玉璽紆皇組要干將負斧展次席紛純左右
玉几穆穆而南面以聽矣然後百辟乃入司儀辨等尊卑
以班璧羔皮帛之制既奠天子乃以三揖之禮禮之穆穆
焉皇皇焉濟濟焉將將焉信天下之壯觀也乃羨公侯卿

士登自東除訪萬幾詢朝政勤恤民隱而除其害人或不得其所若已納之於隍荷天下之重任匪怠皇以甯靜

作甯靜以怠

皇則於韻協發京倉散禁財賚皇僚逮興臺命膳夫以大

饗饗餼浹平家陪春醴惟醇燔炙芬芬君臣歡康具醇薰

薰千品萬官已事而跋勤屢省懋乾乾清風協於元德淳

化通於自然憲先靈以齊軌必三思以顧愆招有道於側

陋開敢諫之直言聘邱園之耿潔旅束帛之斐斐上下通

情式宴且盤及將祀天郊報地功祈福乎上元思所以爲

虔肅肅之儀盡穆穆之禮殫然後以獻精誠奉禋祀日允

矣天子也乃整法服正冕帶珩統紘紼玉笄綦會火龍黼

黻藻絳輦鴈結飛雲之袷輅樹翠羽之高蓋建辰旒之太

常紛焱悠以容裔六元虬之奕奕齊騰驤而沛艾龍駟華

轅金鉞鏤錫方鉉

方鉉薛注謂不分明劉昭注真服志引蔡邕獨斷云鐵廣數寸在馬腹後後有

三孔插翟尾其中又許慎說文云乘輿馬頭上防鉉插以翟尾鐵翮象角所以防網羅鉉去之翼按合蔡許二說其制乃明而獨斷馬駸後之後字蓋前字或上字之誤左據所云翟尾蓋以鐵爲其形耳賦內方字宜讀作防左據鉤膺玉璫鑾聲噦噦和鈴鈇鈇重輪貳轄疏轂飛輪羽蓋葳蕤葩瑤曲莖順時服而設副咸龍旂而繁纓立戈迤夏農輿輅木屬車九九乘軒並轂璫弩重旂朱旄青屋奉引既畢先輅乃發鸞旗皮軒通帛結旆雲罕九旂闐戟轡轡髣髴被繡虎夫戴鵠駟承華之蒲梢飛流蘇之騷殺總輕武於後陳奏嚴鼓之嘈囂戎士介而揚揮戴金鉦而建黃鉞清道案列天行星陳肅肅習習隱隱鱗鱗殿未出乎城闕旆已迴乎郊畛盛夏后之致美爰敬恭於明神爾乃孤竹之管雲和之瑟雷鼓鼗鼗六變既畢冠冠華秉翟列舞八佾元祀惟稱羣望咸秩賜烝燎之炎煬致高煙乎太一神歆馨而顧德祚靈主以元吉然後宗上帝於明堂推光武

以作配辨方位而正則五精帥而來摧尊赤氏之朱光四
靈懋而允懷於是春秋改節四時迭代蒸蒸之心感物增
思躬追養於廟祧奉蒸嘗與禴祠物牲辨省設其輻衡毛
包豚胎亦有和羹滌濯靜嘉禮儀孔明萬舞奕奕鐘鼓喤
喤靈祖皇考來顧來饗神具醉止降福穰穰及至農祥晨
正土膏脉起乘鑾輅而駕蒼龍介馭間以剡躬躬三推於
天田修帝籍之千畝供禘郊之粢盛必致思乎勤已兆民
勸於疆場感懋力以耘耔春日載陽合射辟雍設業設虞
宮懸金鑪鼗鼓路鼗樹羽幢幢於是備物物有其容伯夷
起而相儀后夔坐而爲工張大侯制五正設三乏匪司徒
并夾旣設儲平廣庭於是皇輿夙駕輦於東階以須說文
車也一日然輦抵堂爲輦消啓明掃朝霞登天光於扶桑天子乃撫玉
輅時乘六龍發鯨魚鏗華鐘大丙弭節風后陪乘攝提運

衡徐至於射宮禮事展樂物具王夏闕騶虞奏伏拾既次
彫弓斯設達餘萌於暮春昭誠心以遠喻進明德而崇業
滌饗饗之貪欲仁風衍而外流誼方激而遐盞日月曾於
龍甃恤民事之勞疚因休力以息勤致歡忻於春酒執鑾
刀以袒割奉觴豆於國叟降至尊以訓恭送迎拜乎三壽
敬慎威儀示民不偷我有嘉賓其樂愉愉聲教布濩盈溢
天區文德既昭武節是宣三農之隙曜威中原歲惟仲冬
大閱西園虞人掌焉先期戒事悉率百禽鳩諸靈囿獸之
所同是謂告備乃御小戎撫輕軒中畋四牡旣佶且閑戈
矛若林牙旗繽紛迄於上林結徒爲營次和樹表司鐸授
鉦坐作進退節以軍聲三令五申示戮斬牲陳師鞠旅教
達禁成火烈具舉武士星敷鵝鸛魚麗箕張翼舒軌塵掩
迹匪疾匪徐馭不詭遇射不翦毛升獻六禽時膳四膏馬

足未極輿徒不勞成禮三啟解罟放麟不窮樂以訓儉不
殫物以昭仁慕天乙之弛罟因教祝以懷民儀姬伯之渭
陽失熊羆而獲人澤浸昆蟲威振八寓好樂無荒允文允
武薄狩于敖既璫璫焉岐陽之蒐又何足數爾乃卒歲大
儺毆除羣癘方相秉鉞巫覡操前振子萬僮升首元製桃
弧棘矢所發無臬飛礮雨散剛瘳必斃煌火馳而星流逐
赤疫於四裔然後凌天池絕飛梁捎螭魅斲獠狂斬蛟蛇
腦方良囚耕父於清冷溺女魃於神潢殘夔魍與罔象殪
野仲而殲游光八靈爲之震懼況魑蜺與畢方度朔作梗
守以鬱壘神荼副焉對操索葦目察區陬司執遺鬼京室
密清罔有不韙於是陰陽交和庶物時育卜征考祥終然
允淑乘輿巡平岱嶽勸稼穡於原陸同衡律而一軌量齊
急舒於寒燠省幽明以黜陟乃反旆而迴復望先帝之舊

墟慨長思而懷古俟聞風而西遐致恭祀於高祖旣春游
以發生啓諸蟄於潛戶度秋豫以收成觀豐年之多稔嘉
田峻之匪懈勤致資於九扈左瞰陽谷右睨元圃眇天末
以遠期規萬世而大摹且歸來以釋勞膺多福以安念總
集瑞命備致嘉祥園林氏之騶虞擾澤馬與騰黃鳴女牀
之鸞鳥舞丹穴之鳳皇植華平於春圃豐朱草於中唐惠
風廣被澤洎幽荒北變丁令南諸越裳西包大秦東過樂
浪重舌之人九譯僉稽首而來王是故論其遷邑易京則
同規乎殷盤改奢卽儉則合美乎斯干登封降禪則齊德
乎黃軒爲無爲事無事永有民以孔安遵節儉尙素樸思
仲尼之克己履老氏之常足將使心不亂其所在目不見
其可欲賤犀象簡珠玉藏金於山抵璧於谷翡翠不裂玳
瑁不簇所貴惟賢所寶惟穀民去末而反本咸懷忠而抱

慙於斯之時海內同悅曰吁漢帝之德矣其禪而蓋冀茲
爲難時也故曠世而不覲惟我后能殖之以至和平方將
數諸朝階然則道胡不懷化胡不柔聲與風翔澤從雲游
萬物我賴亦又何求德寓天覆輝烈光燭狹三王之趨趨
軼五帝之長驅踵二皇之遐武誰謂駕遲而不能屬東京
之懿未罄值余有大馬之疾不能究其精詳故粗爲賓言
其梗槩如此若乃流遯忘反放心不覺樂而忘節後離其
戚一言幾於喪國我未之學也且夫挈瓶之智守不假器
況纂帝業而輕天位瞻仰二祖厥庸孔肆常翹翹以危懼
若乘奔而無轡白龍魚服見困豫且雖萬乘之無懼猶怵
惕於一夫終日不離於輜重獨微行其焉如夫人君者跼
續塞耳車中不內顧珮以制容鑒以節塗行不變玉駕不
亂步却走馬以糞車何惜騷衷與飛兔方其用財取物常

畏生類之殄也賦政任役常畏人力之盡也取之以道用

之以時山無槎枿畋不麋胎草木蕃廡鳥獸阜滋民忘其

勞樂輸其時百姓同於饒衍上下共其雍熙洪恩素蓄民

心固結執義顧主夫懷貞節此應首純懿忿姦慝之干命怨皇

統之見替元謀設而陰行合二九而成謫登聖皇於天階

章漢祚之有秩若此故王業可樂焉今公子苟好勦民以

媮樂此應首爽德忘民怨之爲仇也好殫物以窮寵忽下叛而

生憂也夫水所以載舟亦所以覆舟堅冰作於履霜尋木

起於蘖栽昧且不顯後世猶怠況初制於甚泰服者焉能

改裁故相如壯上林之觀揚雄騁羽獵之辭雖系以頽牆

填壘亂以收置解罟卒無補於風規祇以昭其愆尤臣濟

參以陵君忘經國之長基故留谷擊柝於東西朝顛覆而

莫持龜按西朝顛覆指王莽篡弑之事薛注失之凡人心是所學體安所習鮑

肆不知其梟翫其所以先入咸池不齊度於鼃咬而衆聽者或疑能不惑者其唯子野乎客旣醉於大道飽於文義勸德畏戒喜懼交爭罔然若醒朝罷夕倦奪氣褫魄之爲者忘其所以爲談失其所以爲夸良久乃言曰鄙哉子平習非而遂迷也幸見指南於吾子若僕所聞華而不實先生之言信而有微鄙夫寡識而今而後乃知大漢之德聲威在於此昔常恨三墳五典旣泯仰不覩炎帝帝魁之美得聞先生之餘論則大庭氏何以尙茲走雖不敏庶斯達矣

張平子思元賦。

仰先哲之元訓今雖彌高而弗違匪仁里其焉宅兮匪義跡其焉追潛服膺以永靖兮縣日月而不衰伊中情之信修兮慕古人之貞節竦余身而順止兮遵繩墨而不跌志

搏搏以應懸兮誠心固其如結旌性行以製佩兮佩夜光
與瓊枝繡幽蘭之秋華兮又綴之以江蘿美襲積以酷烈
兮允塵邈而難虧旣姱麗而鮮雙兮非是時之攸珍奮余
榮而莫見兮播余香而莫聞幽獨守此側陋兮敢怠遑而
舍勤幸二八之逕虞兮嘉傳說之生殷尙前良之遺風兮
恫後辰而無及何孤行之熒熒兮予不羣而介立感鸞鷖
之特栖兮悲淑人之希合彼無合其何傷兮患衆僞之冒
真且獲譴於羣弟兮啓金縢而後信覽蒸民之多僻兮畏
立辟以危身曾煩毒以迷惑兮嗟孰可與爲言已私湛憂
而深懷兮思續紛而不理願竭力以守義兮雖貧窮而不
改執雕虎而試象兮跼焦原而跟止庶斯奉以周旋兮要
旣死而後已俗遷渝而事化兮泯規矩之圓方寶蕭艾於
重笥兮謂蕙芷之不香斥西施而弗御兮繫騷衷以服箱

行頗僻而獲志兮循法度而離殃惟天地之無窮兮何遭
遇之無常不抑操而苟容兮譬臨河而無航欲巧笑以干
媚兮非余心之所嘗襲溫恭之黻衣兮被禮義之繡裳辯
貞亮以爲鑒兮雜伎藝以爲珩昭綵藻以珣琢兮瑱聲遠
而彌長淹棲遲以恣欲兮曜靈忽其西藏恃已知而華予
今鷓鴣鳴而不芳冀一年之三秀兮適白露之爲霜時壘
壘而代序兮疇可與乎比仇容妒嫵之難並兮想依韓以
流亡恐慚冉而無成兮留則蔽而不彰心猶豫而狐疑兮
卽岐趾而臚情交君爲我端著兮利飛遞以保名歷衆山
以周流兮翼迅風以揚聲二女感於崇嶽兮或冰折而不
營天蓋高而爲澤兮誰云路之不平勗自彊而不息兮蹈
玉階之嶢崢懼筮氏之長短兮鑽東龜以觀禎遇九皋之
介鳥兮怨素意之不逞游塵外而瞥天兮據冥翳而哀鳴

鵬鷃競於貪婪兮我修潔以益榮子有故於元鳥兮歸母

氏而後甯

占旣吉而無悔兮簡元辰而俶裝旦余沐於清

源兮

以下東方

晞余髮於朝陽漱飛泉之瀝液兮咀石菌之流

英翺鳥舉而魚躍兮將往走乎八荒過少皞之窮野兮問

三邱乎句芒何道真之淳粹兮去穢累而影輕登蓬萊而

容與兮鼇雖抃而不傾留瀛洲而採芝兮聊且以乎長生

憑歸雲而遐逝兮夕余宿乎扶桑飲青岑之玉醴兮餐沆

漭以爲糗發昔夢於木禾兮穀崑崙之高岡朝吾行於陽

谷兮從伯禹乎稽山嘉羣神之執玉兮疾防風之食言指

長沙以邪徑兮存重華於南鄰

以下南方

哀二妃之未從兮翩

續處彼湘濱流目眺夫衡阿兮覩有黎之圯墳痛火正之

無懷兮託山陂以孤魂愁鬱鬱以慕遠兮越邛州而游遨

躋日中於昆吾兮憩炎火之所陶揚芒嫫而絳天兮水沚

汙而涌濤溫風翕其增熱兮怒鬱悵其難聊顧羈旅而無

友兮余安能乎留茲

以下顧金天而嘆息

今吾欲往乎西

嬉前祝融而使舉麾兮纚朱鳥以承旗躔建木於廣都兮

撫若華而躊躇超軒轅於西海兮跨汪氏之龍魚問此國

之千歲兮曾焉足以娛余思九土之殊風兮從薜收而遂

徂歎神化而蟬蛻兮朋梅粹而爲徒蹶白門而東馳兮云

台行乎中野

以下中央

亂弱水之潺湲兮逗華陰之湍渚號馮

夷俾清津兮擢龍舟以濟予會帝軒之未歸兮悵徜徉而

延佇惻河林之蓁蓁兮偉關雎之戒女黃靈詹而訪命兮

樛天道其焉如曰近信而遠疑兮六籍闕而不書神遠昧

其難覆兮疇克謨而從諸牛哀病而成虎兮雖逢昆其必

噬鼈令殪而尸亡兮取蜀禪而引世死生錯其不齊兮雖

司命其不剛竇號行於代路兮後膺祚而繁廡王肆侈於

漢庭兮卒銜恤而絕緒尉厯眉而郎潛兮逮三葉而逮武
董弱冠而司衮兮設王隧而弗處夫吉凶之相形兮恒反
側而靡所穆屈天以悅牛兮豎亂叔而幽主文斷祛而忌
伯兮闢謁賊而甯后通人開於好惡兮豈昏惑而能剖羸
摘譏而戒胡兮備諸外而發內或輦賄而違車兮孕行產
而爲對愼竈顯以言天兮占水火而妄訊梁叟思夫黎邱
兮丁厥子而剗刃親所睨而弗識兮矧幽冥之可信毋絲
棼以倖已兮思百憂以自疹彼天監之孔明兮用斐忱而
祐仁湯蠲體以禱祈兮蒙厯禡以拯民景三慮以營國兮
災惑次於他辰魏顥亮以從治兮鬼亢回以斃秦咎繇邁
而種德兮樹德懋於英六桑末寄夫根生兮卉旣凋而已
育有無言而不酬兮又何往而不復盍遠迹以飛聲兮孰
謂時之可蓋仰矯首以遙望兮魂愀惘而無儔逼區中之

隘陋兮

以下將北度而宣游行積冰之磴磴兮清泉汨而

不流寒風淒其永至今拂穹岫之騷騷元武縮於殼中今

騰蛇蜿而自糾魚矜鱗而并凌兮鳥登木而失條坐太陰

之屏室兮慨含欲而增愁怨高陽之相寓兮仙顓頊而宅

幽庸織路於四裔兮斯與彼其何瘳望寒門之絕垠兮縱

余縲乎不周

以下

迅焱瀟其滕我兮驚翩飄而不禁越裕

礪之洞穴兮漂通川之砾砾經重陰乎寂寞兮慙墳羊之

以下

深潛追荒忽於地底兮軼無形而上浮出石密之闇野兮

不識蹊之所由

以下

速燭龍兮執炬兮過鍾山而中休瞰

瑤谿之赤岸兮甲祖江之見劉聘王母於銀臺兮羞玉芝

以下

以療飢戴勝愁其既歡兮又謂余之行遲載太華之玉女

兮召洛浦之處妃咸姣麗以蠱媚兮增嫵眼而蛾眉舒詵

以下

靖之纖腰兮揚雜錯之桂徽離朱脣而微笑兮顏的礫以

靖之纖腰兮揚雜錯之桂徽離朱脣而微笑兮顏的礫以

以下

靖之纖腰兮揚雜錯之桂徽離朱脣而微笑兮顏的礫以

靖之纖腰兮揚雜錯之桂徽離朱脣而微笑兮顏的礫以

以下

靖之纖腰兮揚雜錯之桂徽離朱脣而微笑兮顏的礫以

靖之纖腰兮揚雜錯之桂徽離朱脣而微笑兮顏的礫以

以下

靖之纖腰兮揚雜錯之桂徽離朱脣而微笑兮顏的礫以

靖之纖腰兮揚雜錯之桂徽離朱脣而微笑兮顏的礫以

以下

靖之纖腰兮揚雜錯之桂徽離朱脣而微笑兮顏的礫以

遺光獻環琨與珠綯兮申厥好以元黃雖色豔而賂美兮
志浩蕩而不嘉雙材悲於不納兮並詠詩而清歌歌曰天
地烟燭百卉含葩鳴鶴交頸睢鳩相和處子懷春精魂回
移如何淑明忘我實多將荅賦而不暇兮爰整駕而亟行
瞻崑崙之巍巍兮臨紫河之洋洋伏靈龜以負坻兮巨螭
龍之飛梁登閭風之層城兮構不死而爲牀屑瑤藥以爲
糗兮斟白水以爲漿抨巫咸使占夢兮乃貞吉之元符滋
令德於正中兮含嘉秀以爲敷旣垂穎而顧本兮亦要思
乎故居安和靜而隨時兮姑純懿之所廬戒庶僚以夙會
兮僉供職而並迓豐隆軒其震霆兮以下列缺其照夜
雲師繼以交集兮凍雨沛其灑塗轆琕與而樹葩兮擾應
龍以服輅百神森其備從兮屯騎羅而星布振余袂而就
車兮修劒揭以低昂冠岌岌其映蓋兮佩絺纚以煇煌僕

夫儼其正策兮八乘騰而超驥氛旄溶以天旋兮蜺旌飄以飛颺撫軫軹而還睨兮心勻藻其若湯羨上都之赫戲兮何述故而不忘左青瑯之健芝兮右素威以司鉅前長離使拂羽兮後委水衡乎元冥屬箕伯以回風兮激洪忍而爲清曳雲旗之離離兮鳴玉鸞之譽譽涉清霄而升遐兮浮蠓蠓而上征紛翼翼以徐戾兮焱回回其揚靈叫帝閭使闢扉兮覩天皇於瓊宮聆廣樂之九奏兮展洩洩以彤彤考治亂於律均兮意建始而思終惟般逸之無數兮懼樂往而哀來素女撫絃而餘音兮太容吟曰念哉旣防溢而靖志兮迫我暇以翱翔出紫宮之肅肅兮集太微之閭閭命王良掌策驅兮踰高閣之將將建罔車之幕幕兮獵青林之芒芒彎威狐之拔刺兮射嶠嶠之封狼觀壁壘於北落兮伐河鼓之磅礴乘天潢之汎汎兮浮雲漢之湯

湯倚招搖攝提以低回。剡流兮察二紀五緯之綢繆。通皇
偃蹇天矯婉以連卷兮。雜沓叢嶺蹙以方驤。鹹汨颺淚沛
以罔象兮。爛漫麗靡藐以迭過。淩驚雷之硠礚兮。弄狂電
之淫裔。踰厖鴻於宕冥兮。貫倒景而高厲。廓盪盪其無涯
兮。乃今窺乎天外。據開陽而頻眈兮。臨舊鄉之諳藹。悲離
居之勞心兮。情惛惛而思歸。魂眷眷而屢顧兮。馬倚轡而
徘徊。雖游娛以媮樂兮。豈愁慕之可懷。出閭闔兮降天途。
乘焱忽兮馳虛無。雲菲菲兮繞余輪。風眇眇兮震余旛。繽
連翩兮紛暗曖。儵眩眩兮反常閭。收疇昔之逸豫兮。卷淫
放之遐心。修初服之娑娑兮。長余佩之參參。文章與以粲
爛兮。美紛紜以從風。御六藝之珍駕兮。游道德之平林。結
典籍而爲罟兮。畋儒墨而爲禽。禽玩陰陽之變化兮。詠雅頌
之徽音。嘉曾氏之歸耕兮。慕歷阪之欽崙。恭夙夜而不貳。

今因始終之所服夕惕若厲以省譽兮懼余身之未勑苟
中情之端直兮莫吾知而不忍默無爲以凝志兮與仁義
乎逍遙不出戶而知天下兮何必歷遠以劬勞系曰天長
地久歲不留俟河之清祇懷憂願得遠度以自娛上下無
常窮六區超踰騰躍絕世俗飄飄神舉逞所欲天不可階
僊夫稀柏舟悄悄客不飛松喬高峙孰能離結精遠游使
心攜迴志竭來從元謀獲我所求夫何思

合河蕭氏
耐輝家譜

古文辭類纂二十九

辭賦類十

古文辭類纂七卜

王子山魯靈光殿賦

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見隳壞而靈光歸然獨存意者豈非神明憑依支持以保漢室者也然其規矩制度上應星宿亦所以永安也予客自南鄙觀藝於魯覩斯而貽口嗟乎詩人之興感物而作故矣斯頌僖歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作賦曰粵若稽古帝漢祖宗濬哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太甯於是百姓昭明九族敦序乃命孝孫俾侯于魯錫介珪以作瑞宅附庸而開宇乃

立靈光之祕殿配紫微而爲輔承明堂於少陽昭列顯於
奎之分野瞻彼靈光之爲殿也則嵯峨蹉蹉鬼峴巍嶸嵯峨
可畏乎其駭人也迢嶢倜儻豐麗博敞洞轆轤乎其無垠
也邈希世而特出羌瓌譎而鴻紛屹山峙以紆攢隆嶮岌
乎青雲鬱垓圯以峭岌崩綰綬而龍鱗汨磴磴以璀璨赫
燁燁而煥坤狀若積石之鏘鏘又似乎帝室之威神崇墉
岡連以嶺屬朱闕巖巖而雙立高門擬於閭闔方二軌而
並入於是乎乃歷夫泰階以造其堂俯仰顧眄東西周章
形彩之飾徒何爲乎滟滟泚泚流離爛熳皓壁皜皜以月
照丹柱嶽崢而電凝霞駁雲蔚若陰若陽濯濩燐亂焯焯
煌煌隱陰夏以中處靈寥窈以岬嶮鴻燿燿以燦閭颺蕭
條而清泠動滴瀝以成響殷雷應其若驚耳嘈嘈以失聽
目瞋瞋而喪精駢密石與琅玕齊玉璫與璧英遂排金扉

而北入宵謁謁而晦曖旋室嬋娟以窈窕洞房叫窸而幽
邃西廂脚踏以閑宴東序重深而奧祕屹鏗珥以勿罔屑
照翳以懿漉魂悚悚其驚斯心猓猓而發慄於是詳察其
棟宇觀其結構規矩應天上憲翬陬僂僂雲起嶽峯離樓
三間四表八維九隅萬楹叢倚磊砢相扶浮柱岵岵以星
懸漂漉岷岷而枝柱飛梁偃蹇以虹指揭蘊蘊而騰湊層櫨
礧塤以岌岌曲桺要紹而環句芝栴攢羅以戢香枝芽叔
柯而斜據傍天矯以橫出互黝糾而搏負下弗蔚以璫錯
上崎嶇而重注捷獵鱗集支離分赴縱橫駉驛各有所趣
爾乃懸棟結阿天窗綺疏圓淵方井反植荷渠發秀吐榮
菡萏披敷綠房紫葍留窕垂珠雲葉藻梲龍柄雕鏤飛禽
走獸因木生姿奔虎攫拏以梁倚佇奮璽而軒鬚虬龍騰
驟以蜿蜒頷若動而躩踞朱鳥舒翼以峙衡騰蛇蟠蚪而

繞。懷。白。鹿。子。蛻。於。構。植。蟠。螭。宛。轉。而。承。欄。狡。兔。踰。伏。於。柎。
側。狻。猊。攀。緣。而。相。追。元。熊。蟬。蛻。以。斷。斷。却。負。載。而。蹲。踖。齊。
首。目。以。瞪。眄。徒。脈。脈。以。矜。矜。胡。人。遙。集。於。上。楹。儼。雅。跼。而。
相。對。仵。欺。猥。以。鵬。臆。顛。顛。而。睽。睽。狀。若。悲。愁。於。危。處。慘。
嚙。蹙。而。含。悴。神。僊。岳。岳。於。棟。間。玉。女。窺。窗。而。下。視。忽。瞋。眇。
以。響。像。若。鬼。神。之。髣。髴。圖。畫。天。地。品。類。羣。生。雜。物。奇。怪。山。
神。海。靈。寫。載。其。狀。託。之。丹。青。千。變。萬。化。事。各。繆。形。隨。色。象。
類。曲。得。其。情。上。紀。開。闢。遂。古。之。初。五。龍。比。翼。人。皇。九。頭。伏。
羲。鱗。身。女。媧。蛇。軀。鴻。荒。樸。略。厥。狀。睢。盱。煥。炳。可。觀。黃。帝。唐。
虞。軒。冕。以。庸。衣。裳。有。殊。下。及。三。后。淫。妃。亂。主。忠。臣。孝。子。烈。
士。貞。女。賢。愚。成。敗。靡。不。載。敘。惡。以。誠。世。善。以。示。後。於。是。乎。
連。閣。承。宮。馳。道。周。環。陽。榭。外。望。高。樓。飛。觀。長。塗。升。降。軒。檻。
曼。延。漸。臺。臨。池。層。曲。九。成。屹。然。特。立。的。爾。殊。形。高。徑。華。蓋。

仰看天庭飛陞揭孽緣雲上征中坐垂景頰視流星千門
相似萬戶如一巖突洞出逶迤詰屈周行數里仰不見日
何宏麗之靡靡咨用力之妙勤非夫通神之俊才誰能克
成乎此勲據坤靈之寶勢承蒼昊之純殷包陰陽之變化
含元氣之烟燭元醴騰涌於陰溝甘露被宇而下臻朱桂
黝儵於南北蘭芝阿那於東西祥風翕習以颺灑激芳香
而常芬神靈扶其棟宇歷千載而彌堅永安甯以祉福長
與大漢而久存實至尊之所御保延壽而宜子孫苟可貴
其若斯孰亦有云而不珍亂曰彤彤靈宮歸罪穹崇紛厖
鴻兮崩兮巖麓岑崟崑崙疑駢龍從兮連拳偃蹇崑崙踰崕
傍欹傾兮歔歔幽藹雲覆靈靈對洞杳冥兮蔥翠紫蔚礪礪
壤璋含光晷兮窮奇極妙棟宇已來未之有兮神之營之
瑞我漢室永不朽兮

王仲宣登樓賦。

登茲樓以四望兮聊暇日以銷憂覽斯宇之所處兮實顯敞而寡仇挾清漳之通浦兮倚曲沮之長洲背墳衍之廣陸兮臨皋隰之沃流北彌陶牧西接昭邱華實蔽野黍稷盈疇雖信美而非吾土兮曾何足以少留遭紛濁而遷逝兮漫踰紀以迄今情眷眷而懷歸兮孰憂思之可任憑軒檻以遙望兮向北風而開襟平原遠而極目兮蔽荆山之高岑路逶迤而修迥兮川旣漾而濟深悲舊鄉之壅隔兮涕橫墜而弗禁昔仲尼之在陳兮有歸與之嘆音鍾儀幽而楚奏兮莊舄顯而越吟人情同於懷土兮豈窮達而異心惟日月之逾邁兮俟河清其未極冀王道之一平兮假高衢而騁力懼匏瓜之徒懸兮畏井渫之莫食步棲遲以徙倚兮白日忽其將匿風蕭瑟而並興兮天慘慘而無色

獸狂顧以求羣兮鳥將鳴而舉翼原野闕其無人兮征夫
行而未息心悽愴以感發兮意忉忉而惛惛循階除而下
降兮氣交憤於胸臆夜參半而不寐兮悵盤桓以反側
張茂先鷦鷯賦。

鷦鷯小鳥也生於蒿萊之間長於藩籬之下翔集尋常之
內而生生之理足矣色淺體陋不爲人用形微處卑物莫
之害繁滋族類乘居匹游翩翩然有以自樂也彼鷺鷥鷓鴣
鴻孔雀翡翠或陵赤霄之際或託絕垠之外翰舉足以冲
天觜距足以自衛然皆負矰嬰繳羽毛入貢何者有用於
人也夫言有淺而可以託深類有微而可以喻大故賦之
云爾何造化之多端兮播羣形於萬類惟鷦鷯之微禽兮
亦攝生而受氣育翩翾之陋體兮無元黃以自貴毛弗施
於器用兮肉不登乎俎味騰鷓鴣過猶俄翼兮尙何懼於罟

刷翳蒼蒙龍是焉游集飛不飄颺翔不翕習其居易容其
求易給巢林不過一枝每食不過數粒棲無所滯游無所
盤匪陋荆棘匪榮藍蘭動翼而逸投足而安委命順理與
物無患伊茲禽之無知兮何處身之似智不懷寶以賈害
兮不飾表以招累靜守約而不矜動因循以簡易任自然
以爲資無誘慕於世僞鵬鵠介其觜距鵠鷺軼於雲際鵠
雞竄於幽險孔翠生乎遐裔彼晨鳧與歸雁又矯翼而增
逝咸美羽而豐肌故無罪而皆斃徒銜蘆以避繳終爲戮
於此世蒼鷹鷲而受縶鸚鵡惠而入籠屈猛志以服養塊
幽繫於九重變聲音以順旨思摧翮而爲庸戀鍾岱之林
野慕隴坻之高松雖蒙幸於今日未若疇昔之從容海鳥
鷗鵲避風而至條枝巨雀踰嶺自致提挈萬里飄飄逼畏
夫惟體大妨物而形壤足璋也陰陽陶蒸萬品一區巨細

舛錯種繁類殊鷦鷯巢於蚊睫大鵬彌乎天隅將以上方
不足而下比有餘普天壤以遐觀吾又安知小大之所如
潘安仁秋興賦。

晉十有四年余春秋三十有二始見二毛以太尉掾兼虎
賁中郎將寓直於散騎之省高閣連雲陽景罕曜珥蟬冕
而襲紈綺之士此焉游處僕野人也偃息不過茅屋茂林
之下談話不過農夫田父之客攝官承乏猥廁朝列夙興
晏寢匪遑底甯譬猶池魚籠鳥有江湖山藪之思於是染
翰操紙慨然而賦于時秋也故以秋興名篇其辭曰四運
忽其代序兮萬物紛以迴薄覽花蔕之時育兮察盛衰之
所託感冬索而春敷兮嗟夏茂而秋落雖末士之榮悴兮
伊人情之美惡善乎宋玉之言曰悲哉秋之爲氣也蕭瑟
兮草木搖落而變衰慘慄兮若在遠行登山臨水送將歸

夫送歸懷慕徒之戀兮遠行有羈旅之憤臨川感流以嘆
逝兮登山懷遠而悼近彼四感之疚心兮遭一塗而難忍
嗟秋日之可哀兮諒無愁而不盡野有歸燕隰有翔隼游
氛朝興槁葉夕殞於是乃屏輕篴釋纖絺藉莞蒹御袷衣
庭樹撼以灑落兮勁風戾而吹帷蟬嘒嘒以寒吟兮雁飄
飄而南飛天晃朗以彌高兮日悠揚而浸微何微陽之短
晷覺涼夜之方永月朧朧以含光兮露淒淒以凝冷熠燿
粲於階闔兮蟋蟀鳴乎軒屏聽離鴻之晨吟兮望流火之
餘景宵耿介而不寐兮獨展轉乎華省悟時歲之邁盡兮
慨俛首而自省斑鬢彫以承弁兮素髮颯以垂領仰羣俊
之逸軌兮攀雲漢以游騁登春臺之熙熙兮珥金貂之炯
炯苟趣舍之殊途兮庸詎識其躁靜聞至人之休風兮齊
天地於一指彼知安而忘危兮固出生而入死行投趾於

容跡兮殆不踐而獲底闕側足以及泉兮雖猴援而不履
龜祀骨於宗祧兮思反身於綠水且斂衽以歸來兮忽投
紱以高厲耕東臬之沃壤兮輸黍稷之餘稅泉涌湍於石
間兮菊揚芳乎崖澁澡秋水之涓涓兮玩游鯈之敝敝道
遙乎山川之阿放曠乎人間之世優哉游哉聊以卒歲
潘安仁笙賦。

河汾之寶有曲沃之懸匏焉鄒魯之珍有汶陽之孤篠焉
若乃絲蔓紛敷之麗浸潤靈液之滋陽隈夷險之勢禽鳥
翔集之嬉固衆作者之所詳余可得而略之也徒觀其制
器也則審洪纖而短長厠生簞裁熟簧設宮分羽經徵列
商泄之反謚厭焉乃揚管攢羅而表列音要妙而含清各
守一以司應統大魁以爲笙基黃鐘以舉韻望儀鳳以擢
形寫皇翼以插羽摹鸞音以厲聲如鳥斯企翺翺岐歧明

珠在味若銜若垂修櫺內辟餘簫外透駢田獵擺鯽鯨參
差於是乃有始泰終約前榮後悴激憤於今賤永懷乎故
貴衆滿堂而飲酒獨向隅而掩淚援鳴笙而將吹先嗚噓
以理氣初雍容以安暇中佛鬱以怫悒終嵬峩以蹇諤又
颯還而繁沸罔孟浪以惆悵若欲絕而復肆惻愴雜以奔
邀似將放而中匿愀愴惻減虺韓煜熠汎淫汜豔雪煜炭
炭或案衍夷靡或竦勇剽急或既往不返或已出復入徘徊
布濩渙衍葦襲舞既蹈而中輟節將撫而不及樂聲發
而盡室歡悲音奏而列坐泣擗纖翻以震幽簫越上箏而
通下管應吹噏以往來隨抑揚以虛滿勃慷慨以慘亮顧
躊躇以舒緩輟張女之哀彈流廣陵之名散詠園桃之天
天歌棗下之纂纂歌曰棗下纂纂朱實離離宛其死矣化
爲枯枝人生不能行樂死何以虛諡爲爾乃引飛龍鳴鴈

雞雙鴻翔白鶴飛子喬輕舉明君懷歸荆王喟其長吟楚
妃嘆而增悲夫其悽戾辛酸嚶嚶關關若離鴻之鳴子也
含嘲啾諧雍雍喈喈若羣雛之從母也郁捋劫悟泓宏融
裔哇咬嘲啮壹何察惠諛悄切又何磬折若夫時陽初
暖臨川送離酒酣徒擾樂闋日移疏客始闌主人微疲弛
絃韜籥徹埤屏篴爾乃促中筵攜友生解嚴顏摧幽情披
黃苞以授甘傾縹資以酌醺光伎儼其階列雙鳳嘈以和
鳴晉野悚而投琴況齊瑟與秦箏新聲變曲奇韻橫逸縈
纏歌鼓網羅鍾律爛熠爚以放豔鬱蓬勃以氣出秋風詠
於燕路天光重乎朝日大不踰宮細不過羽唱發章夏導
揚韶武協和陳宋混一齊楚邇不逼而遠無攜聲成文而
節有敘彼政有失得而化以醇薄樂所以移風於善亦所
以易俗於惡故絲竹之器未改而桑濮之流已作惟簧也

能研羣聲之清惟笙也能總衆清之林衛無所指其邪鄭
無所容其淫非天下之和樂不易之德音其孰能與於此
乎

潘安仁射雉賦。

涉青林以游覽兮樂羽族之羣飛聿采毛之英麗今有五
色之名翬厲耿介之專心兮參雄豔之姱姿巡邱陵以經
略兮畫墳衍而分畿於是青陽告謝朱明肇授靡木不滋
無草不茂初莖蔚其曜新陳柯槭以改舊天泱泱以垂雲
泉涓涓而吐溜麥漸漸以擢芒雉鷺鷥而朝雉晒箱籠以
揭驕晚驍媒之變態奮勁骸以角挫隣悍目以旁睠鸞綺
翼而經撾灼繡頸而袞背鬱軒翥以餘怒畏長鳴以效能
爾乃擘場拄翳停僮蔥翠綠柏參差文副鱗次蕭森繁茂
婉轉輕利衷料戾以徹鑒表厭躡以密緻恐吾游之晏起

慮原禽之罕至甘疲心於企想分倦目以寓視何調翰之
喬桀邈疇類而殊才候扇舉而清叫野聞聲而應媒褰微
罟以長眺已踉蹌而徐來摘朱冠之施赫敷藻翰之陪鯉
首葯綠素身拖繡繪青鞵莎靡丹臆蘭絳或蹶或啄時行
時止斑尾揚翹雙角特起良游哢喔引之規裏應叱愕立
擢身竦峙捧黃閒以密殼屬剛挂以潛擬倒禽紛以迸落
機聲振而未已山驚悍害森迅已甚越壑凌岑飛鳴薄廩
擎牙低鏃心平望審毛體摧落霍若碎錦逸羣之僞擅場
挾兩櫟雌妒異儵來忽往忌上風之資切畏映日之儻朗
屏發布而累息徒心煩而伎憤伊義鳥之應敵啾獲地以
厲響彼聆音而徑進忽交距以接壤彤盈窗以美發紛首
頽而墮仰或乃崇墳夷靡農不易疏梯菽叢榛翳蒼莽茸
鳴雄振羽依於其冢捫降邱以馳敵雖形隱而草動瞻挺

穢之傾掉意。澁躍以振踊。蹴出苗以入場。愈情駭而神悚。望。駢合而翳。鼎維腴肩而旋踵。飲余志之精銳。擬青顙而點項。亦有目不步體邪。眺旁剔靡聞而驚無見。自鷲周環迴復。繚繞盤辟。戾駢旋把縈。隨所歷。不于中輟馥焉。中鎬前。則重膺傷截。壘副若夫多疑少決。膽劣心狷。內無固守。出不交戰。來若處子。去如激電。閭闔薊葉。螟歷乍見。於是算分銖商。遠邇揆懸。刀騁絕伎。如輓如軒。不高不埤。當咄值。胸裂膝破。觜夷險殊。地馴麤異。變是不暇。食夕不告。勸昔賈氏之如皋。始解顏於一箭。醜夫爲之改貌。憾妻爲之釋怨。彼游田之致獲。咸乘危以馳驚。何斯藝之安逸。嗟禽從其已。豫清道而行。擇地而住。尾飾鑣而在。服肉登俎而永御。豈唯皂隸此焉。君舉若乃耽盤流遁。放心不移。忘其身恤。司其雄雌。樂而無節。端操或虧。此則老氏之所誠而

君子之所不爲

劉伯倫酒德頌。

有大人先生以天地爲一朝萬期爲須臾日月爲局囿八荒爲庭衢行無轍迹居無室廬慕天席地縱意所如止則操卮執觚動則挈榼提壺唯酒是務焉知其餘有貴介公子搢紳處士聞吾風聲議其所以乃奮袂攘衿怒目切齒陳說禮法是非鋒起先生於是方捧罍承槽銜杯漱醪奮髀踞蹠枕麴藉糟無思無慮其樂陶陶兀然而醉豁爾而醒靜聽不聞雷霆之聲熟視不覩泰山之形不覺寒暑之切肌利欲之感情俯觀萬物擾擾焉如江漢之載浮萍二豪侍側焉如蜾蠃之與螟蛉

陶淵明歸去來辭

歸去來兮田園將蕪胡不歸旣自以心爲形役奚惆悵而

獨悲悟已往之不諫知來者之可追實迷途其未遠覺今
是而昨非舟搖搖以輕颺風飄飄而吹衣問征夫以前路
恨晨光之熹微乃瞻衡宇載欣載奔僮僕懽迎稚子候門
三徑就荒松菊猶存攜幼入室有酒盈樽引壺觴以自酌
眄庭柯以怡顏倚南窗以寄傲審容膝之易安園日涉以
成趨門雖設而常關策扶老以流憩時矯首而遐觀雲無
心以出岫鳥倦飛而知還景翳翳以將入撫孤松而盤桓
歸去來兮請息交以絕游世與我而相遺復駕言兮焉求
悅親戚之情話樂琴書以消憂農人告余以春及將有事
於西疇或命巾車或棹孤舟既窈窕以尋壑亦崎嶇而經
邱木欣欣以向榮泉涓涓而始流羨萬物之得時感吾生
之行休已矣乎寓形宇內復幾時曷不委心任去留胡爲
遑遑欲何之富貴非吾願帝鄉不可期懷良辰以孤往或

植杖而耘籽登東皋以舒嘯臨清流而賦詩聊乘化以歸
盡樂夫天命復奚疑

鮑明遠蕪城賦。

驅邁蒼涼之氣驚心動魄之詞皆賦家之絕境也

潯池平原南馳蒼梧漲海北走紫塞雁門控以漕渠軸以
崑岡重江複關之隩四會五達之華當昔全盛之時車挂
轆人駕肩塵閭撲地歌吹沸天孽貨鹽田鏹利銅山才力
雄富士馬精妍故能參秦法佚周令割崇墉列濬洫圖修
世以休命是以板築雉堞之殷井幹烽櫓之勤格高五嶽
袤廣三墳崿若斷岸矗似長雲製磁石以禦衝糊頽壤以
飛文觀基局之固護將萬祀而一君出入三代五百餘載
竟瓜剖而豆分澤葵依井荒葛冒塗墮羅虺螫階闕磨甃
木魅山鬼野鼠城狐風噪雨嘯昏見晨趨飢鷹厲吻寒鴟

嚇。雛。伏。魑。藏。虎。乳。血。餐。膚。崩。榛。寒。路。崢。嶸。古。墟。白。楊。早。落。
塞。草。前。衰。稜。稜。霜。氣。軟。蔽。風。威。孤。蓬。自。振。驚。砂。坐。飛。灌。莽。
杳。而。無。際。叢。薄。紛。其。相。依。通。池。旣。已。夷。峻。隅。又。已。頽。直。視。
千。里。外。惟。見。起。黃。埃。凝。思。寂。聽。心。傷。已。摧。若。夫。藻。局。黼。帳。
歌。堂。舞。閣。之。基。璇。淵。碧。樹。弋。林。釣。渚。之。館。吳。蔡。齊。秦。之。聲。
魚。龍。爵。馬。之。玩。皆。薰。歇。燼。滅。光。沈。響。絕。東。都。妙。姬。南。國。麗。
人。蕙。心。紈。質。玉。貌。絳。脣。莫。不。埋。魂。幽。石。委。骨。窮。塵。豈。意。同。
舉。之。愉。樂。離。宮。之。苦。辛。哉。天。道。如。何。吞。恨。者。多。抽。琴。命。操。
爲。蕪。城。之。歌。歌。曰。邊。風。急。兮。城。上。寒。井。徑。滅。兮。邱。隴。殘。千。
齡。兮。萬。代。共。盡。兮。何。言。

辭賦類十一

古文辭類纂七十一

韓退之訟風伯。

維茲之旱兮其誰之由我知其端兮風伯是尤山升雲兮
澤上氣雷鞭車兮電搖幟雨浸浸兮將欲墜風伯怒兮雲
不得止暘烏之仁兮念此下民閔其光兮不闕其神嗟風
伯兮其將謂何我於爾兮豈有他求其時兮修祀事羊
甚肥兮酒甚旨食足飽兮飲足醉風伯之怒兮誰使雲屏
屏兮吹使醺之氣將交兮吹使離之鑠之使氣不得化寒
之使雲不得施嗟爾風伯欲逃其罪其又何辭上天孔明
兮有紀有綱今我上訟兮其罪誰當天誅加兮不可悔風
伯雖死兮人誰爾傷

韓退之進學解。

國子先生晨入太學招諸生立館下誨之日業精於勤荒

於嬉行成於思毀於隨方今聖賢相逢治具畢張拔去兇邪登崇峻良占小善者率以錄名一藝者無不庸爬羅剔抉刮垢磨光蓋有幸而獲選孰云多而不揚諸生業患不能精無患有司之不明行患不能成無患有司之不公言未既有笑於列者曰先生欺余哉弟子事先生於茲有年矣先生口不絕吟於六藝之文手不停披於百家之編記事者必提其要纂言者必鉤其元貪多務得細大不捐焚膏油以繼晷恒兀兀以窮年先生之業可謂勤矣舐排異端攘斥佛老補苴罅漏張皇幽眇尋墜緒之茫茫獨旁搜而遠紹障百川而東之迴狂瀾於既倒先生之於儒可謂有勞矣沈浸醲郁含英咀華作爲文章其書滿架上規姚姒渾渾無涯周誥殷盤佶屈聱牙春秋謹嚴左氏浮誇易奇而法詩正而葩下逮莊騷太史所錄子雲相如同工異

曲先生之於文可謂闕其中而肆其外矣少始知學勇於
敢爲長通於方左右具宜先生之於爲人可謂成矣然而
公不見信於人私不見助於友跋前疐後動輒得咎暫爲
御史遂竄南夷三年博士冗不見治命與仇謀取敗幾時
冬煖而兒號寒年豐而妻啼飢頭童齒豁竟死何裨不知
慮此而反教人爲先生曰吁子來前夫大木爲杗細木爲
桷構櫨侏儒椳闔居楔各得其宜施以成室者匠氏之工
也玉札丹砂赤箭青芝牛溲馬勃敗鼓之皮俱收並蓄待
用無遺者醫師之良也登明選公雜進巧拙紆餘爲妍卓
犖爲傑校短量長惟器是適者宰相之方也昔者孟軻好
辯孔道以明轍環天下卒老於行苟卿守正大論是宏逃
讒於楚廢死蘭陵是二儒者吐辭爲經舉足爲法絕類離
倫優入聖域其遇於世何如也今先生學雖勤而不繇其

統言雖多而不要其中文雖奇而不濟於用行雖修而不顯於衆猶且月費俸錢歲靡廩粟子不知耕婦不知織乘馬從徒安坐而食踵常途之促促窺陳編以盜竊然而聖主不加誅宰臣不見斥非其幸歟動而得謗名亦隨之投閒置散乃分之宜若夫商賈財賄之有亡計班賞之崇痺忘已量之所稱指前人之瑕疵是所謂詰匠氏之不以杙爲楹而訾醫師以昌陽引年欲進其稀苓也

韓退之送窮文。

元和六年正月乙丑晦主人使奴星結柳作車縛草爲船載糗輿糗牛繫輓下引帆上檣三揖窮鬼而告之曰聞子行有日矣鄙人不敢問所塗竊具船與車備載糗輿日吉時良利行四方子飯一孟子啜一觴攜朋挈儔去故就新駕塵曠風與電爭先子無底滯之尤我有資送之恩子等

有意於行乎屏息潛聽如聞音聲若嘯若啼若歔嚔嚙毛
髮盡豎竦肩縮頸疑有而無久乃可明若有言者曰吾與
子居四十年餘子在孩提吾不子愚子學子耕求官與名
惟子是從不變於初門神戶靈我叱我呵包羞詭隨志不
在他子遷南荒熱燥濕蒸我非其鄉百鬼欺陵太學四年
朝齋暮鹽惟我保汝人皆汝嫌自初及終未始背汝心無
異謀口絕行語於何聽聞云我當去是必夫子信讒有間
於子也我鬼非人安用車船鼻艤馨香煥煖可捐單獨一
身誰爲朋儔子苟備知可數己不子能盡言可謂聖知情
狀旣露敢不迴避主人應之曰子以吾爲真不知也耶子
之朋儔非六非四在十去五滿七除二各有主張私立名
字握手覆羹轉喉觸諱凡所以使吾面目可憎語言無味
者皆子之志也其名曰智窮矯矯亢亢惡圓喜方羞爲奸

欺不忍害傷其次名曰學窮傲數與名摘抉杳微高挹羣
言執神之機又其次曰文窮不專一能怪怪奇奇不可時
施祇以自嬉又其次曰命窮影與形殊面醜心妍利居衆
後責在人先又其次曰交窮磨肌戛骨吐出心肝企足以
待寘我讎冤凡此五鬼爲吾五患飢我寒我興訛造訕能
使我迷人莫能間朝悔其行暮已復然蠅營狗苟驅去復
還言未畢五鬼相與張眼吐舌跳踉偃仆抵掌頓脚失笑
相顧徐謂主人曰子知我名凡我所爲驅我令去小黠大
癡人生一世其久幾何吾立子名百世不磨小人君子其
心不同惟乖於時乃與天通樽玩琰易一羊皮飫於肥
甘慕彼糠粳天下知子誰過於余雖遭斥逐不忍子疏謂
余不信請質詩書主人於是垂頭喪氣上手稱謝燒車與
船延之上座

韓退之釋言。

元和六年六月十日愈自江陵法曹詔拜國子博士始進見今相國鄭公公賜之坐且曰吾見子某詩吾時在翰林職親而地禁不敢相聞今爲我寫子詩書爲一通以來愈再拜謝退錄詩書若干篇擇日時以獻於後之數月有來謂愈者曰子獻相國詩書乎曰然曰有爲讒於相國之座者曰韓愈曰相國徵余文余不敢匿相國豈知我哉子其慎之愈應之曰愈爲御史得罪德宗朝同遷於南者凡三人獨愈爲先收用相國之賜大矣百官之進見相國者或立語以退而愈辱賜坐語相國之禮過矣四海九州之人自百官以下欲以其業徵相國左右者多矣皆憚而莫之敢獨愈辱先索相國之知至矣賜之大禮之過知之至是三者於敵以下受之宜以何報況在天子之宰乎人莫不

自知凡適於用之謂才堪其事之謂力愈於二者雖日勉焉而不迨束帶執笏立士大夫之行不見斥以不肖幸矣其何敢敖於言乎夫敖雖凶德必有恃而敢行愈之族親鮮少無攀聯之勢於今不善交人無相先相死之友於朝無宿資蓄貨以釣聲勢弱於才而腐於力不能奔走乘機抵巇以要權利夫何恃而敖若夫狂惑喪心之人蹈河而入火妄言而罵詈者則有之矣而愈人知其無是疾也雖有讒者百人相國將不信之矣愈何懼而慎歟旣累月又有來謂愈曰有讒子於翰林舍人李公與裴公者子其慎歟愈曰二公者吾君朝夕訪焉以爲政於天下而階太平之治居則與天子爲心膂出則與天子爲股肱四海九州之人自百官以下其孰不願忠而望賜愈也不狂不愚不蹈河而入火病風而妄罵不當有如讒者之說也雖有讒

者百人二公將不信之矣愈何懼而慎旣以語應客夜歸
私自尤曰咄市有虎而曾參殺人讒者之效也詩曰取彼
讒人投畀豺虎豺虎不食投畀有北有北不受投畀有昊
傷於讒疾而甚之之辭也又曰亂之初生僭始旣涵亂之
又生君子信讒始疑而終信之之謂也孔子曰遠佞人夫
佞人不能遠則有時而信之矣今我恃直而不戒禍其至
哉徐又自解之曰市有虎聽者庸也曾參殺人以愛惑聽
也巷伯之傷亂世是逢也今三賢方與天子謀所以施政
於天下而階太平之治聽聰而視明公正而敦大夫聰明
則聽視不惑公正則不邇讒邪敦大則有以容而思彼讒
人者孰敢進而爲讒哉雖進而爲之亦莫之聽矣我何懼
而慎旣累月上命李公相客謂愈曰子前被言於一相今
李公又相子其危哉愈曰前之謗我於宰相者翰林不知

也後之謗我於翰林者宰相不知也今二公合處而會言
若及愈必曰韓愈亦人耳彼敖宰相又敖翰林其將何求
必不然吾乃今知免矣旣而讒言果不行

蘇子瞻前赤壁賦。

壬戌之秋七月旣望蘇子與客汎舟游於赤壁之下清風
徐來水波不興舉酒屬客誦明月之詩歌窈窕之章少焉
月出於東山之上徘徊於斗牛之間白露橫江水光接天
縱一葦之所如凌萬頃之茫然浩浩乎如馮虛御風而不
知其所以止飄飄乎如遺世獨立羽化而登僊於是飲酒樂
甚扣舷而歌之歌曰桂棹兮蘭槳擊空明兮泝流光渺渺
兮予懷望美人兮天一方客有吹洞簫者倚歌而和之其
聲嗚嗚然如怨如慕如泣如訴餘音嫋嫋不絕如縷舞幽
壑之潛蛟泣孤舟之嫠婦蘇子愀然正襟危坐而問客曰

何爲其然也。客曰：月明星稀，鳥鳴南飛，此非曹孟德之詩乎？西望夏口，東望武昌，山川相繆，鬱乎蒼蒼，此非孟德之困於周郎者乎？方其破荊州，下江陵，順流而東也，舳艫千里，旌旗蔽空，酺酒臨江，橫槊賦詩，固一世之雄也，而今安在哉？況吾與子漁樵於江渚之上，侶魚蝦而友麋鹿，駕一葉之扁舟，舉匏樽以相屬，寄蜉蝣於天地，渺滄海之一粟，哀吾生之須臾，羨長江之無窮，挾飛僊以遨遊，抱明月而長終，知不可乎驟得，托遺響於悲風。蘇子曰：客亦知夫水與月乎？逝者如斯，而未嘗往也；盈虛者如彼，而卒莫消長也。蓋將自其變者而觀之，則天地曾不能以一瞬；自其不變者而觀之，則物與我皆無盡也。而又何羨乎？且夫天地之間，物各有主，苟非吾之所有，雖一豪而莫取。唯江上之清風，與山間之明月，耳得之而爲聲，目遇之而成色，取之

無禁用之不竭。是造物者之無盡藏也。而吾與子之所共適。客喜而笑。洗盞更酌。肴核既盡。杯盤狼籍。相與枕藉乎舟中。不知東方之既白。

蘇子瞻後赤壁賦

是歲十月之望。步自雪堂。將歸於臨皋。二客從予。過黃泥之坂。霜露既降。木葉盡脫。人影在地。仰見明月。顧而樂之。行歌相答。已而嘆曰。有客無酒。有酒無肴。月白風清。如此良夜。何客曰。今者薄暮。舉網得魚。巨口細鱗。狀如松江之鱸。顧安所得酒乎。歸而謀諸婦。婦曰。我有斗酒。藏之久矣。以待子不時之需。於是攜酒與魚。復游於赤壁之下。江流有聲。斷岸千尺。山高月小。水落石出。曾日月之幾何。而江山不可復識矣。予乃攝衣而上。履巉巖。披蒙茸。踞虎豹。登虬龍。攀栖鵲之危巢。俯馮夷之幽宮。二客不能從焉。劃

然長嘯草木震動山鳴谷應風起水湧子亦悄然悲肅
然而恐凜乎其不可留也反而登舟放乎中流聽其所止
而休焉時夜將半四顧寂寥適有孤鶴橫江東來翅如車
輪元裳縞衣戛然長鳴掠子舟而西也須臾客去子亦就
睡夢一道士羽衣蹁躚過臨皋之下揖予而言曰赤壁之
游樂乎問其姓名俛而不荅嗚呼噫嘻我知之矣疇昔之
夜飛鳴而過我者非子也邪道士顧笑子亦驚悟開戶視
之不見其處

合河蕭氏
列緯家訓

哀祭類一

古文辭類纂七十二

屈原九歌

吉日兮辰良。穆將愉兮上皇。撫長劍兮玉珥。璆鏘鳴兮琳琅。瑤席兮玉璫。盍將把兮瓊芳。蕙肴蒸兮蘭藉。奠桂酒兮椒漿。揚枹兮拊鼓。疏緩節兮安歌。陳竽瑟兮浩倡。靈偃蹇兮姱服。芳菲菲兮滿堂。五音紛兮繁會。君欣欣兮樂康。

東皇太一。

浴蘭湯兮沐芳華。采衣兮若英。靈連蜷兮既留。爛昭昭兮未央。蹇將憺兮壽宮。與日月兮齊光。龍駕兮帝服。聊翱游兮周章。靈皇皇兮既降。猋遠舉兮雲中。覽冀州兮有餘。橫四海兮焉窮。思夫君兮太息。極勞心兮憫憫。

雲中君。

君不行兮夷猶。蹇誰留兮中洲。美要眇兮宜修。沛吾乘兮

桂。舟。令。沅。湘。兮。無。波。使。江。水。兮。安。流。望。夫。君。兮。歸。來。吹。參。
差。兮。誰。思。駕。飛。龍。兮。北。征。適。吾。道。兮。洞。庭。薜。荔。拍。兮。蕙。綢。
承。荃。撓。兮。蘭。旌。望。涔。陽。兮。極。浦。橫。大。江。兮。揚。靈。揚。靈。兮。未。
極。女。嬋。媛。兮。爲。余。太。息。橫。流。涕。兮。潺。湲。隱。思。君。兮。惝。側。桂。
棹。兮。蘭。棹。斲。冰。兮。積。雪。采。薜。荔。兮。水。中。攀。芙。蓉。兮。木。末。心。
不。同。兮。媒。勞。恩。不。甚。兮。輕。絕。石。瀨。兮。淺。淺。飛。龍。兮。翩。翩。交。
不。忠。兮。怨。長。期。不。信。兮。告。余。以。不。閒。朝。聘。騫。兮。江。皋。夕。弭。
節。兮。北。渚。鳥。次。兮。屋。上。水。涓。兮。堂。下。捐。余。玦。兮。江。中。遺。余。
珮。兮。澧。浦。采。芳。洲。兮。杜。若。將。以。遺。兮。下。女。時。不。可。兮。再。得。
聊。逍。遙。兮。容。與。

湘君。

帝。子。降。兮。北。渚。目。眇。眇。兮。愁。予。嫋。嫋。兮。秋。風。洞。庭。波。兮。木。
葉。下。登。白。蘋。兮。騁。望。與。佳。期。兮。夕。張。鳥。萃。兮。蘋。中。習。何。爲。

兮木上沅有芷兮澧有蘭思公子兮未敢言恍惚兮遠望
觀流水兮潺湲麋何爲兮庭中蛟何爲兮水裔朝馳余馬
兮江皋夕濟兮西澨間佳人兮召予將騰駕兮偕逝築室
兮水中葺之兮以荷蓋荃壁兮紫壇播芳椒兮成堂桂棟
兮蘭橈辛夷楣兮葑房罔薜荔兮爲帷薜蘿楊兮旣張白
玉兮爲鎮疏石蘭兮爲芳芷葺兮荷屋繚之兮杜蘅合百
草兮實庭建芳馨兮廡門九疑續兮並迎靈之來兮如雲
帛余使兮江中遺余襍兮澧浦寒汀洲兮杜若將以遺兮
遠者時不可兮驟得聊逍遙兮容與

湘夫人

廣開兮天門紛吾乘兮元雲令飄風兮先驅使凍雨兮灑
塵君迴翔兮以下踰空桑兮從女紛總總兮九州何譁天
兮在予高飛兮安翔乘清氣兮御陰陽吾與君兮齊速導

帝之兮九坑靈衣兮被被玉佩兮陸離壹陰兮壹陽衆莫
知兮余所爲折疏麻兮瑤華將以遺兮離居老冉冉兮既
極不寢近兮愈疏乘龍兮麟麟高駝兮冲天結桂枝兮延
佇羌愈思兮愁人愁人兮柰何願若今兮無虧固人命兮
有當孰離合兮可爲

大司命。

秋蘭兮麝蕪羅生兮堂下綠葉兮素華芳菲菲兮襲予夫
人兮自有美于莖何以兮愁苦秋蘭兮青青綠葉兮紫莖
滿堂兮美人忽獨與予兮日成入不言兮出不辭乘迴風
兮載雲旗悲莫悲兮生別離樂莫樂兮新相知荷衣兮蕙
帶儵而來兮忽而逝夕宿兮帝郊君誰須兮雲之際與女
游兮九河衝騰起兮水揚波與女沐兮咸池晞女髮兮陽
之阿望美人兮未來臨風恍兮浩歌孔蓋兮翠旌登九天

兮撫彗星竦長劒兮擁幼艾荃獨宜兮爲民正

少司命。

瞰將出兮東方照吾檻兮扶桑撫余馬兮安驅夜皎皎兮
旣明駕龍輶兮乘雷載雲旗兮委蛇長太息兮將上心低
徊兮顧懷羌聲色兮娛人觀者憺兮忘歸絃瑟兮交鼓簫
鐘兮瑤簫鳴鴈兮吹竽思靈保兮賢姱翺飛兮翠曾展詩
兮會舞應律兮合節靈之來兮蔽日青雲衣兮白霓裳舉
長矢兮射天狼操余弧兮反淪降援北斗兮酌桂漿撰余
轡兮高馳翔杳冥冥兮以東行

東君。

與女游兮九河衝風起兮橫波乘水車兮荷蓋駕兩龍兮
驂螭登崑崙兮四望心飛揚兮浩蕩日將暮兮悵忘歸惟
極浦兮寤懷魚鱗屋兮龍堂紫貝闕兮朱宮靈何爲兮水

中乘白龍兮逐文魚與女游兮河之渚流澌紛兮將來下
子交手兮東行送美人兮南浦波滔滔兮來迎魚鄰鄰兮
媵予

河伯。

若有人兮山之阿被薜荔兮帶女蘿既含睇兮又宜笑子
慕予兮善竊窈窕兮乘赤豹兮從文狸辛夷車兮結桂旗被石
蘭兮帶杜蘅折芳馨兮遺所思余處幽篁兮終不見天路
險難兮獨後來表獨立兮山之上雲容容兮而在下杳冥
冥兮羌晝晦東風飄兮神靈雨留靈修兮憺忘歸歲既晏
兮孰華予采三秀兮於山間石磊磊兮葛蔓蔓怨公子兮
悵忘歸君思我兮不得閒山中人人兮芳杜若飲石泉兮蔭
松柏君思我兮然疑作雷填填兮雨冥冥猿啾啾兮狖夜
鳴風颯颯兮木蕭蕭思公子兮徒離憂

山鬼○○○

賈生弔屈原賦

恭承嘉惠兮竢罪長沙側聞屈原兮自湛汨羅造托湘流
兮敬弔先生遭世罔極兮迺隕厥身烏庠哀哉兮逢時不
祥鸞鳳伏竄兮鳴鴉翔荆闢茸尊顯兮讒諛得志賢聖逆
曳兮力正倒植謂隨夷溷兮謂跖蹻廉莫邪爲鈍兮鉛刀
爲銛于嗟默默生之亡故兮幹棄周鼎而寶康瓠兮騰駕
罷牛驂蹇驢兮驥垂兩耳服鹽車兮章父薦屨漸不可久
兮嗟苦先生獨離此咎兮諱曰已矣國其莫吾知兮子獨
壹鬱其誰語鳳縹縹其高逝兮夫固自引而遠去襲九淵
之神龍兮沕淵潛以自珍俯蠃螾以隱處兮夫豈從蝦與
蛭螾所貴聖之神德兮遠濁世而自藏使麒麟可係而羈
兮豈云異夫犬羊般紛紛其離此郵兮亦夫子之故也歷

九州而相其君兮何必懷此都也鳳皇翔於千仞兮覽德輝而下之見細德之險微兮遙增擊而去之彼尋常之汙瀆兮豈容吞舟之魚橫江湖之鱣鯨兮固將制於螻螳

漢武帝悼李夫人賦

美連娟以修嫿兮命櫟絕而不長飾新宮以延貯兮泯不歸乎故鄉慘鬱鬱其蕪穢兮隱處幽而懷傷釋輿馬於山椒兮奄修夜之不陽秋氣憊以淒淚兮桂枝落而銷亡神煢煢以遙思兮精浮游而出彊託沈陰以曠久兮惜蕃華之未央念窮極之不還兮惟幼眇之相羊畱菱葢以俟風兮芳雜襲以彌章的容與以倚靡兮縹飄姚乎愈莊燕淫衍而撫楹兮連流視而娥揚旣激感而心逐兮包紅顏而弗朋驩接押以離別兮宵寤夢之芒芒忽遷化而不反兮馳放逸以飛揚何靈魂之紛紛兮哀裴回以躊躇執路日

以遠兮遂荒忽而辭去超兮西征屑兮不見寢淫敞菀寂
兮無音思若流波怛兮在心亂曰佳俠函光隕朱榮兮嫉
妬關聿將安程兮方時隆盛年天傷兮弟子增歔滂沫悵
兮悲愁於邑喧不可止兮嚮不虛應亦云已兮嫵妍太息
嘆雅子兮惻慄不言倚所恃兮仁者不讐豈約親兮既往
不來申以信兮去彼昭昭就冥冥兮旣下新宮不復故庭
兮嗚呼哀哉想魂靈兮

哀祭類二

古文辭類纂七十三

韓退之祭田橫墓文。

此是公少作故猶取屈子成句

貞元十一年九月愈如東京道出田橫墓下感橫義高能
得士因取酒以祭爲文而弔之其辭曰事有曠百世而相
感者余不自知其何心非今世之所稀孰爲使余獻歆而
不可禁余旣博觀乎天下曷有庶幾乎夫子之所爲死者
不復生嗟余去此其從誰當秦氏之敗亂得一士而可王
何五百人之擾擾而不能脫夫子於劒鈍抑所寶之非賢
亦天命之有常昔闕里之多士孔聖亦云其遑遑苟余行
之不迷雖顛沛其何傷自古死者非一夫子至今有耿光
照陳辭而薦酒魂髣髴而來享

韓退之潮州祭神文。

潮州刺史韓愈謹以清酌殷脩之奠祈於大湖神之靈曰
稻旣稔矣而雨不得熟以穫也蠶起且眠矣而雨不得老
以簇也歲且盡矣稻不可以復種而蠶不可以復育也農
夫桑婦將無以應賦稅繼衣食也非神之不愛人刺史失
所職也百姓何辜使至極也神聰明而端一聽不可濫以
惑也刺史不仁可坐以辜惟彼無辜惠以福也勸勸雲陰
卷月日也幸身有衣日得食給神役也充上之須脫刑辟
也選牲爲酒以報靈德也吹擊管鼓侑香潔也拜延跪坐
如法式也不信當治疾殃殛也神其尙饗
韓退之祭河南張員外文。

茅鹿門云公之奇崛戰鬪鬼神處令人神眩 薑塢先
生云淒麗處獨以健倔出之層見疊聳而筆力堅淨他
人無此也

貞元十九君爲御史余以無能同詔並跼君德渾剛標高
揭己有不吾如唾猶泥滓余慙而狂年未三紀乘氣加人
無挾自恃彼婉孌者實憚吾曹側肩帖耳有舌如刀我落
陽山以尹鼈孫君飄臨武山林之牢歲弊寒兇雪虐風饕
顛於馬下我泗君眺夜息南山同臥一席守隸防夫觚頂
交跡洞庭漫汗粘天無壁風濤相厯中作霹靂追程盲進
驅船箭激南上湘水屈氏所沈二妃行迷淚蹤染林山哀
浦思鳥獸叫音余唱君和百篇在吟君止於縣我又南踰
把觥相飲後期有無期宿界上一又相語自別幾時遽變
寒暑枕臂欹眠加余以股僕來告言虎入廐處無敢驚逐
以我驟去君云是物不駿於乘虎取而往來寅其微我預
在此與君俱膺猛獸果信惡禱而憑余出嶺中君埃州下
偕掾江陵非余望者郴山奇變其水清寫泊沙倚石有還

無捨衡陽放酒熊咆虎噪不存令章罰籌蠟毛委舟湘流
往觀南嶽雲壁潭潭穹林攸擢避風太湖七日鹿角鉤登
大鮎怒頰豕狗鬪盤炙酒羣奴餘啄走官階下首下尻高
下馬伏塗從事是遭子徵博士君以使已相見京師過願
之始分敘東生君掾雍首兩都相望於別何有解手背面
遂十一年君出我入如相避然生闕死休吞不復宣刑官
屬郎引章計奪權臣不愛南昌是幹明條謹獄氓僚戶歌
用還澧浦爲人受瘞還家東都起令河南屈拜後生憤所
不堪屢以正免身伸事蹇竟死不升孰勸爲善丞相南討
余辱司馬議兵大梁走出洛下哭不憑棺莫不親聲不撫
其子葬不送野望君傷懷有隕如瀉銘君之績納石壤中
爰及祖考紀德事功外著後世鬼神與通君其奚憾不余
鑒衷嗚呼哀哉尙饗

韓退之祭柳子厚文。

嗟嗟子厚而至然邪。自古貴不然。我又何嗟。人之生世如夢。一覺其間。利害竟亦何校。當其夢時。有樂有悲。及其既覺。豈足追惟。凡物之生。不願爲材。犧尊青黃。乃木之災。子之中棄。天脫鬻羈。玉佩瓊琚。大放厥辭。富貴無能磨滅。誰紀子之自著。表表愈偉。不善爲斲。血指汗顏。巧匠旁觀。縮手袖閒。子之文章。而不用世。乃令吾徒掌帝之制。子之視人。自以無前。一斥不復。羣飛刺天。嗟嗟子厚。今也則亡。臨絕之音。一何琅琅。徧告諸友。以寄厥子。不鄙謂余亦託以死。凡今之交。觀勢厚薄。余豈可保。能承子託。非我知子子實命我。猶有鬼神甯敢遺墮。念子永歸。無復來期。設祭棺前。矢心以辭。嗚呼哀哉。尙饗。

韓退之祭侯主簿文。

維年月日吏部侍郎韓愈謹遣男殿中省進馬估致祭於
亡友故國子主簿侯君之靈嗚呼惟子文學今誰過之子
於道義困不捨遺我狎我愛人莫與夷自始及今二紀於
茲我或爲文筆俾子持唱我和我問我以疑我釣我游莫
不我隨我寢我休莫爾之私朋友昆弟情敬異施惟我於
子無適不宜棄我而死嗟我之哀相好滿目少年之時日
月云亡今其有誰誰不富貴而子爲鴈我無利權雖怨曷
爲子之方葬我方齋祠哭送不可誰知我悲嗚呼哀哉尙
饗

韓退之祭薛助教文。

維元和四年歲次己丑後三月二十一日景寅朝散郎守
國子博士韓愈太學助教侯繼謹以清酌之奠祭於亡友
國子助教薛君之靈嗚呼吾徒學而不見施設又不足

以活身天於此時奪其友人同官太學自得相因奈何永
違祗隔數晨笑語爲別慟哭來門藏棺蔽帷欲見無緣皎
皎睂目在人目前酌以告誠庶幾有神嗚呼哀哉尙饗
韓退之祭虞部張員外文。

維年月日愈等謹以清酌庶羞之奠敬祭於亡友張十三
員外之靈嗚呼往在貞元俱從賓薦司我明試時維邦彥
各以文售幸皆少年羣游旅宿其歡甚焉出言無尤有獲
同喜他年諸人莫有能比儵忽逮今二十餘歲存皆衰白
半亦辭世外纏公事內迫家私中宵興嘆無復昔時如何
今者又失夫子懿德柔聲永絕心耳廬親之墓終喪乃歸
陽瘖避職妻子不知分司憲臺風紀由振遂遷司虞以播
華問不能老壽孰究其因託嗣于宗天維不仁酒食備設
靈其降止論德敘情以視諸誄尙饗

韓退之祭穆員外文。

於乎建中之初余居於嵩攜扶北奔避盜來攻晨及洛師
相遇一時顧我如故咎然顧之子有令聞我來自山子之
峻明我鈍而頑道旣云異誰從知我我思其厚不知其可
于後八年君從杜侯我時在洛亦應其招留守無事多君
子僚罔有疑忌維其嬉游草生之春鳥鳴之朝我轡在手
君揚其鑣君居於室我旣來卽或以嘯歌或以偃側誨余
以義復我以誠終日以語無非德聲主人信讒有惑其下
殺人無罪誣以成過入救不從反以爲禍赫赫有聞王命
三司察我於獄相從係縲曲生何樂直死何悲上懷主人
內閔其私進退之難君處之宜旣釋於囚我來徐州道之
悠悠思君爲憂我如京師君居父喪哭泣而拜言詞不通
我歸自西君反吉服晤言無他往復其昔不日而違重我

心惻自後聞君母喪是丁痛毒之懷六年以并執云孝子而殞厥靈今我之至入門失聲酒肉在前君胡不餐登君之堂不與我言嗚呼死矣何日來還

韓退之祭房君文。

維某年月日愈謹遣舊吏皇甫悅以酒肉之饋展祭於五官蜀客之柩前嗚呼君乃至於此吾復何言若有鬼神吾未死無以妻子爲念嗚呼君其能聞吾此言否尙饗韓退之獨孤申叔哀辭。

衆萬之生誰非天邪明昭昏蒙誰使然邪行何爲而怒居何故而憐邪胡喜厚其所可薄而恆不足於賢邪將下民之好惡與彼蒼懸邪抑蒼茫無端而暫寓其間邪死者無知吾爲子慟而已矣如有知也子其自知之矣濯濯其英陸陸其光如聞其聲如見其容嗚呼遠矣何日而忘

韓退之歐陽生哀辭。

歐陽詹世居閩越自詹已上皆爲閩越官至州佐縣令者累累有焉閩越地肥衍有山泉禽魚之樂雖有長材秀民通文書吏事與上國齒者未嘗肯出仕今上初故宰相常袞爲福建諸州觀察使治其地袞以文辭進有名於時又作大官臨蒞其民鄉縣小民有能誦書作文辭者袞親與之爲客主之禮觀游宴饗必召與之時未幾皆化翕然詹於時獨秀出袞加敬愛諸生皆推服閩越之人舉進士繇詹始建中貞元間余就食江南未接人事往往聞詹名閩巷間詹之稱於江南也久貞元三年余始至京師舉進士聞詹名尤甚八年春遂與詹文辭同考試登第始相識自後詹歸閩中余或在京師他處不見詹久者惟詹歸閩中時爲然其他時與詹離率不歷歲多時則必合合必兩忘

其所趨久然後去故余與詹相知爲深詹事父母盡孝道
仁於妻子於朋友義以誠氣醇以方容貌疑疑然其燕私
善謔以和其文章切深喜往復善自道讀其書知其於慈
孝最隆也十五年冬余以徐州從事朝正於京師詹爲國
子監四門助教將率其徒伏闕下舉余爲博士會監有獄
不果上觀其心有益於余將忘其身之賤而爲之也嗚呼
詹今其死矣詹閩越人也父母老矣捨朝夕之養以來京
師其心將以有得於是而歸爲父母榮也雖其父母之心
亦皆然詹在側雖無離憂其志不樂也詹在京師雖有離
憂其志樂也若詹者所謂以志養志者歟詹雖未得位其
名聲流於人人其德行信於朋友雖詹與其父母皆可無
憾也詹之事業文章李朝旣爲之傳故作哀辭以舒餘哀
以傳於後以遺其父母而解其悲哀以卒詹志云求仕與

友兮遠違其鄉父母之命兮子奉以行友則旣獲兮祿實
不豐以志爲養兮何有牛羊事實旣修兮名譽又光父母
忻忻兮常若在旁命雖云短兮其存者長終要必死兮願
不永傷友朋親視兮藥物甚良飲食孔時兮所欲無妨壽
命不齊兮人道之常在側與遠兮非有不同山川阻深兮
魂魄流行祀祭則及兮勿謂不通哭泣無益兮抑哀自彊
推生知死兮以慰孝誠嗚呼哀哉兮是亦難忘

李習之祭吏部韓侍郎文

嗚呼孔氏云遠楊朱恣行孟軻拒之乃壞於成戎風混華
異學魁橫兄嘗辯之孔道益明建武以還文卑質喪氣萎
體敗剝剝不讓儷花鬪葉顛倒相上及兄之爲思動鬼神
撥去其華得其本根開合怪駭驅濤湧雲包劉越羸並武
同股六經之風絕而復新學者有歸大變於文兄之仕官

罔辭於艱疏奏輒斥去而復還升黜不改正言亟聞貞元
十二兄在汴州我游自徐始得兄交視我無能待予以友
請文析道爲益之厚二十九年不知其久兄以疾休我病
臥室三來視我笑言窮日何荒不耕會之以一人心樂生
皆惡言凶兄之在病則齊其終順化以盡靡憾於中別我
千萬意如不窮臨喪大號浹裂肝胸老聃言壽死而不忘
兄名之垂星斗之光我誤兄行下於太常聲殫天地誰云
不長喪車來東我刺廬江君命有嚴不見兄喪遣使奠
百酸攪腸音容若在曷日而忘嗚呼哀哉尙饗

合河蕭氏
謝縣家訓

哀祭類三

古文辭類纂七十四

歐陽永叔祭資政范公文。

嗚呼公平學古居今持方人員丘軻之艱其道則然公曰
彼惡謂公好訐公曰彼善謂公樹朋公所勇爲謂公躁進
公有退讓謂公近名讒人之言其何可聽先事而斥羣議
衆排有事而思讐仇謂材毀不吾傷譽不吾喜進退有儀
夷行險止嗚呼公平舉世之善誰非公徒讒人豈多公志
不舒善不勝惡豈其然乎成難毀易理又然歟嗚呼公平
欲壞其棟先摧桷榱傾巢破殼披折傷枝害一損百人誰
不羅誰爲黨論是不仁哉嗚呼公平易名諡行君子之榮
生也何毀歿也何稱好死惡生殆非人情豈其生有所嫉
而死無所爭自公云亡謫不待辨愈久愈明由今所見始
屈終伸公其無恨寫懷平生寓此薄奠

歐陽永叔祭尹師魯文。

嗟乎師魯辯足以窮萬物而不能當一獄吏志可以狹四海而無所措其一身窮山之崖野水之濱猿猱之窟麋鹿之羣猶不容於其間今遂卽萬鬼而爲鄰嗟乎師魯世之惡子之多未必若愛子者之衆而其窮而至此今得非命在乎天而不在乎人方其奔顛斥逐困死艱屯舉世皆窺而語言未嘗以自及以窮至死而妻子不見其悲忻用舍進退屈伸語默夫何能然乃學之力至其握手爲訣隱几待終顏色不變笑言從容死生之間旣已能通於性命憂患之至宜其不累於心則自子云逝善人宜哀子能自達子又何悲惟其師友之益平生之交情之難忘言不可究嗟乎師魯自古有死皆歸無物惟聖與賢雖埋不沒尤於文章焯若星日子之所爲後世師法雖嗣子當與夫子以

付子而世人藏之庶可無於墜失子於衆人最愛子文寓辭千里脩此一樽冀以慰子聞乎不聞

歐陽永叔祭石曼卿文。

嗚呼曼卿生而爲英死而爲靈其同乎萬物生死而復歸於無物者暫聚之形不與萬物共盡而卓然其不朽者後世之名此自古聖賢莫不有然而著在簡冊者昭如日星嗚呼曼卿吾不見子久矣猶能髣髴子之平生其軒昂磊落突兀崢嶸而藏埋於地下者意其不化爲朽壤而爲金玉之精不然生長松之千尺產靈芝而九莖柰何荒煙野蔓荆棘縱橫風淒露下走燐飛螢但見牧童樵叟歌吟而上下與夫驚禽駭獸悲鳴躑躅而咿嚶今固如此更千秋而萬歲兮安知其不穴藏狐貉與鼯鼯此自古聖賢亦皆然兮獨不見夫纍纍兮曠野與荒城嗚呼曼卿盛衰之理

吾固知其如此而感念疇昔悲涼悽愴不覺臨風而隕涕者有愧夫太上之忘情

歐陽永叔祭蘇子美文。

哀哀子美命止斯邪小人之幸君子之嗟子之心胸蟠屈龍蛇風雲變化雨雹交加忽然揮斧霹靂轟車人有遭之心驚膽落震仆如麻須臾霽止而四顧百里山川草木間發萌芽子於文章雄豪放肆有如此者吁可怪邪嗟乎世人知此而已貪悅其外不窺其內欲知子心窮達之際金石雖堅尙可破壞子之窮達始終仁義惟人不知乃窮至此蘊而不見遂以沒地獨留文章照耀後世嗟世之愚掩抑毀傷譬如磨鑑不滅愈光一世之短萬世之長其間得失不待較量哀哀子美來來舉子觴

歐陽永叔祭梅聖俞文。

昔始見子伊川之上余仕方初子年亦壯讀書飲酒握手
相歡談辨鋒出賢豪滿前謂言仕宦所至皆然但當行樂
何以憂患子去河南余貶山峽三十年間乖離會合晚被
選擢濫官朝廷薦子學舍吟哦六經余才過分可愧非榮
子雖窮厄日有聲名余捐而剛中遭多難氣血先耗髮鬚
早變子心寬易在險如夷年實加我其顏不衰謂子仁人
自宜多壽余譬膏火煎熬豈久事今反此理固難知況於
富貴又何必期念昔河南同時一輩零落之餘惟子子在
子又去我余存無幾凡今之游皆莫余先紀行琢辭子宜
余責送終卹孤則有衆力惟聲與淚獨出余臆
蘇子瞻祭歐陽文忠公文。

嗚呼哀哉公之生於世六十有六年民有父母國有著龜
斯文有傳學者有師君子有所恃而不恐小人有所畏而

不爲譬如大川喬嶽不見其運動而功利之及於物者蓋不可以數計而周知今公之沒也赤子無所仰芑朝廷無所稽疑斯文化爲異端而學者至於用夷君子以爲無爲爲善而小人沛然自以爲得時譬如深淵大澤龍亡而虎逝則變怪雜出舞魍魎而號狐狸昔其未用也天下以爲病而其旣用也則又以爲遲及其釋位而去也莫不冀其復川至其請老而歸也莫不惆悵失望而猶庶幾於萬一者幸公之未衰孰謂公無復有意於斯世也奄一去而莫予追豈厭世濶濁潔身而逝乎將民之無祿而天莫之遺昔我先君懷寶遁世非公則莫能致而不肖無狀因緣出入受敎於門下者十有六年於茲聞公之喪義當匍匐往弔而懷祿不去愧古人以忸怩緘詞千里以寓一哀而已矣蓋上以爲天下慟而下以哭其私

蘇子瞻祭柳子玉文

猗歟子玉南國之秀甚敏而文聲發自幼從橫武庫炳蔚
文囿獨以詩鳴天錫雄味元輕白俗郊寒島瘦嘹然一吟
衆作卑陋凡今卿相伊昔朋舊平視青雲可到甯驟孰云
坎壈白髮垂脰才高絕俗性疏來詒謫居窮山遂侶程狄
夜衾不絮朝飢絕餽慨然懷歸投棄纓綬潛山之麓往事
神后道味自飴世芬莫與凡世所欲有避無就謂當乘除
併畀之壽云何不淑命也誰咎頃在錢唐惠然我覲相從
半歲日飲醇酎朝游南屏暮宿靈鷲雪窗飢坐清閨間奏
沙河夜歸霜月如晝綸巾鶴擎驚笑吳婦會合之難如次
組繡翻然失去覆水何救維子耆老名德俱茂嗟我後來
匪友惟媿子有令子將大子後頎然二孫則謂我舅念子
永歸涕如懸霑歌此奠詩一樽往侑

蘇子由代三省祭司馬丞相文。

嗚呼元豐末命震驚四方號令所從帷幄是望公來自西
會哭於廷搢紳咨嗟復見老成太任在位成王在左日子
惇惇誰卹予禍白髮蒼顏三世之臣不留相予孰左右民
公出於道民聚而呼皆日子父歸與歸與公畏莫當邁反
洛師授之宛邱實將用之公之來思岌然特立身如槁木
心如金石時當宅憂恭默不言一二卿士代天幹旋事勞
如絲衆比如櫛治亂之幾間不容髮公身當之所恃惟誠
吾民苟安吾君則甯以順得天以信得人鉏去太甚復其
本原白叟黃童織婦耕夫庶幾休焉日月以須公乘安輿
入見延和裕民之言之死靡它將享合宮百辟咸事公病
於家臥不時起明日當齋公訃暮聞天以雨泣都人酸辛
禮成不賀人識君意龍袞蟬冠遂以往謚公之初來民執

弓矛逮公永歸旣耕且耰公雖云亡其志則存國有成法
朝有正人持而守之有進毋隕匪以報公維以報君天子
聖明神毋萬年民不告勤公志則然死者復生信我此言
嗚呼哀哉尙饗

王介甫祭范頴州文

。蓋塢先生云虜不敢瀕瀕當作
頴亂穴穴字疑當作亢亂治也彙疑

頴字是言虜之
不敢近邊也

嗚呼我公一世之師由初迄終名節無疵明肅之盛身危
志殖瑤華失位又隨以斥治功亟聞尹帝之都閉姦興良
稚子歌呼赫赫之家萬首俯趨獨繩其私以走江湖士爭
留公蹈禍不慄有危其辭謁與俱出風俗之衰駭正怡邪
塞塞我初人以疑嗟力行不回慕者興起儒先首首以節
相侈公之在貶愈勇爲忠稽前引古誼不營躬外更三州
施有餘澤如醴河江以灌尋尺宿賊自解不以刑加猾盜

涵仁終老無邪講藝絃歌慕來千里溝川墮澤田桑有喜
戎孽剗狂敢齟我疆鑄印刻符公屏一方取將於伍後常
多顯收士至佐維邦之彥聲之所加虜不敢瀕以其餘威
走敵完鄰昔也始至瘡痍滿道藥之養之內外完好既其
無爲飲酒笑歌百城晏眠吏士委蛇上嘉曰材以副樞密
稽首辭讓至於六七遂參宰相釐我典常扶賢贊傑亂穴
除荒官更於朝士變於鄉百治具修儉墮勉強彼闕不遂
歸侍帝側卒屏於外身屯道塞謂宜耆老尙有以爲神乎
孰忍使至於斯蓋公之才猶不盡試肆其經綸功孰與計
自公之貴廐庫逾空和其色辭傲訐以容化於婦妾不靡
珠玉翼翼公子樊紼惡粟閔死憐窮惟是之奢孤女以嫁
男成厥家孰堙於深孰饒乎厚其傳其詳以法永久碩人
今亡邦國之憂矧鄙不肖辱公知尤承凶萬里不往而留

涕洟馳辭以贊謬羞

王介甫祭歐陽文忠公文。

夫事有人力之可致猶不可期況乎天理之溟溟又安可得而推惟公生有聞於當時死有傳於後世苟能如此足矣而亦又何悲如公器質之深厚智識之高遠而輔學術之精微故充於文章見於議論豪健俊偉怪巧瑰琦其積於中者浩如江河之停蓄其發於外者爛如日星之光輝其清音幽韻淒如飄風急雨之驟至其雄辭閎辨快如輕車駿馬之奔馳世之學者無問乎識與不識而讀其文則其人可知嗚呼自公仕宦四十年上下往復感世路之崎嶇雖屯邴困躓竄斥流離而終不可掩者以其公議之是非旣歷復起遂顯於世果敢之氣剛正之節至晚而不衰方仁宗皇帝臨朝之末年顧念後事謂如公者可寄以社

稷之安危及夫發謀決策從容指顧立定大計謂千載而一時功名成就不居而去其出處進退又庶乎英魄靈氣不隨異物腐敗而長在乎箕山之側與潁水之湄然天下之無賢不肖且猶爲涕泣而歔歔而況朝士大夫平昔游從又予心之所嚮慕而瞻依嗚呼盛衰興廢之理自古如此而臨風想望不能忘情者念公之不可復見而其誰與歸

王介甫祭丁元珍學士文。

我初閉門屈首詩書一出涉世茫無所知援挈覆護免於陷危雖培浸灌使有華滋微吾元珍我始弗殖如何棄我隕命一昔以忠以恕以信以仁至於白首困厄窮屯又從躋之使以躓死豈伊人尤天實爲此有槃彼石可誌於邱雖不屬我我其徂求請著君德銘之九幽以馳我哀不在

醪羞

王介甫祭王回深甫文。

嗟嗟深甫。真棄我而先乎。孰謂深甫之壯以死。而吾可以
長年乎。雖吾昔日執子之手。歸言子之所爲。實受命於吾
母。曰如此人。乃與爲友。吾母知子過於予。初終于成德。多
吾不如。嗚呼。天乎。旣喪吾母。又奪吾友。雖不卽死。吾何能
久。搏胸一慟。心摧志朽。泣涕爲文。以薦食酒。嗟嗟深甫。子
尙知否。

王介甫祭高師雄主簿文。

茅順甫云奇崛之文

我始寄此。與君往還於時。康定慶歷之間。愛我勤我。急我
所難。日月一世。疾於跳丸。南北幾時。相見悲歡。去歲憂除。
追尋陳迹。淮水之上。冶城之側。握手笑語。有如一昔。屈指

數日待君歸船安知彌年乃見哭庭維君家行可謂修飾
如其智能亦豈多得垂老一命終於遠域豈惟故人所爲
嘆息撫棺一奠以告心惻

王介甫祭曾博士易占文。

嗚呼公以罪廢實以不幸卒困以天亦惟其命命與才違
人實知之名之不幸知者爲誰公之閭里宗親黨友知公
之名於實無有嗚呼公初公志如何孰云不諧而厄孔多
地大天穹有時而毀星日脫敗山傾谷圯人居其間萬物
一偏固有窮通世數之然至其天壽尚可憂喜要之百年
一蛻一死方其生時窮若囚拘其死以歸混合空虛以生
易死死者不祈惟其不見生者之悲公今有子能隆公後
惟彼生者可無甚悼嗟理則然其情難忘哭泣馳辭往侑
奠觴

王介甫祭李省副文。

嗚呼君謂死者必先氣索而神零孰謂君氣足以薄雲漢
今神昭晰乎日星而忽隕背乎不能保百年之康甯惟君
別我往祀太一笑言從容愈於平日旣至卽事升降孔秩
歸鞍在塗不返其室訃聞士夫環視太息矧我於君情何
可極具茲醪羞以告哀惻

王介甫祭周幾道文。

初我見君皆童而憤意氣豪悍崩山決澤弱冠相視隱憂
困窮貌則侔年心類如翁俛仰悲歡超然一世皓髮黧面
分當先笑孰知君子赴我稱孤發封涕洟舉屋驚呼行與
世乖惟君繾綣弔禍問疾書猶在眼序銘於石以報德音
設辭雖褊義不愧心君實愛我祭其如歆

王介甫祭東向原道文。

嗚呼東君其信然邪奚仇友朋奚怨室家堂堂去之我始
疑嗟惟昔見君田子之自我欲疾走哭諸田氏吾縻不赴
田疾不知今乃獨哭誰同我悲始君求仕士莫敢匹洪洪
其聲碩碩其實霜落之林豪鷹雋鷗萬鳥避逃直摩蒼天
躡焉僅仕后愈以困洗藏銷塞動輒失分如羈駿馬以駕
柴車側身墮首與蹇同芻命又不祥不能中壽百不一出
孰知其有能知君者世孰予多學則同游仕則同科出作
場官君實其鄉傾心倒肝迹斥形忘君於壽食我飲鄴水
豈無此朋念不去彼既來自東乃臨君喪闕闕陰宮梗野
榛荒東門之行不幾日月孰云於今萬世之別嗟屯怨窮
閔命不長世人皆然君子則亡予其何言君尙有知具此
酒食以陳我悲

王介甫祭張安國檢正文。

嗚呼善之不必福其已久矣豈今於君始悼嘆其如此自
今喪除知必顧子怪久不至豈其病歟今也君弟哭而來
赴天不姑釋一士以爲子助何生之艱而死之遽君始從
我與吾兒游言動視聽正而不偷樂於飢寒惟道之謀旣
採司法議爭讞失中書大理再爲君屈遂升宰屬能撓強
捭辨正獄訟又常精出豈君刑名爲獨窮深直諒明清靡
所不任人恍莫知乃惻我心君仁至矣勇施而忘己君孝
至矣孺慕以至死能人所難可謂君子嗚呼吾兒逝矣君
又隨之我留在世其與幾時酒食之哀侑以言辭

方靈皋宜左人哀辭

左人與子生同郡長而客游同方往還離合踰二十年而
爲汎交己丑庚寅間子頻至淮上左人授徒邢江道邢數
與語始異之其家在龍山吾邑山水奇勝處也每語子居

此之樂而自恨近六十猶栖栖於四方子久寓金陵亦倦游思還故里遂以辛卯正月至其家左山右湖皋壤如沐留連信宿相期匝歲定居於此而是冬十月以南山集牽連被逮時左人適在金陵急于難與二三骨肉兄弟之友相後先在諸君子不爲異而子固未敢以望於左人壬辰夏子繫刑部左人忽入視問何以來則他無所爲將歸謂予曰吾附人舟車不自由以天之道子無恙尋當歸吾終待子龍山之陽矣及子邀寬法出獄隸漢軍欲附書報左人而鄉人來言左人死矣時康熙五十一年也龍山地偏而俗淳居者多壽耆左人父及伯叔父皆八九十左人貌魁然其神凝然人皆曰當得大年雖左人亦自謂然而竟至於此子與左人相識幾三十年而不相知相知踰年而子及於難又踰年而左人死雖欲與之異地相望而久困

窮亦不可得此恨有終極邪辭曰嗟子精爽之炯然兮今已陰爲野土閉兩心之所期兮永相望於終古川原信美而可樂兮生如避而死歸解人世之糾纏兮得甘寢其何悲

方靈皋武季子哀辭

康熙丙申夏聞武君商平之喪哭而爲墓表將以歸其孤冬十月孤洙至京師曰家散矣父母大父母諸兄七喪蔑以葬爲是以來叩所學則經書能背誦矣授徒某家冬春間數至假唐宋諸家古文自繕寫首夏子出塞返役而洙死已浹日矣始商平有子三人子皆見其孩提以及成人長子洛爲邑諸生卒年二十有四次子某年二十有一將受室而卒洙其季也憶洙五六歲時子過商平常偕羣兒喧聒左右少長抱書從其父往來子家及至京師則幹軀

偉然子方欲迪之學行以嗣其宗而遽以羈死有子始二
歲商平生故家而寔艱迫阨視鄉民有甚焉又父母皆篤
老煩急家事凌雜米鹽無幾微軋生瑕釁然卒能約身隱
情以盡其恩而不愆於義子每嘆其行之難也而旣羸其
躬復札其後嗣嗚呼世將絕而後乃繁昌者於古有之矣
其果能然也邪洙卒於丁酉十月十日年二十有一藁葬
京師郭東江甯義塚子志歸其喪事有待先以鳴子哀其
辭曰嗟爾生兮震愆罹百憂兮連延蹇孤游兮局窄命支
離兮爲鬼客天屬盡兮熒熒羌地下兮相從江之干兮淮
之泖翳先靈兮日延企魂朝發兮暮可投異生還兮路阻
修孺子號兮在室永呵護兮無失

劉才甫祭史秉中文

嗚呼我居帝里闐寂寞聊徐氏之自得與子交暱我畏我

諮我道義六藝之元奇章逸字旣我讀書假子之廬於子
焉飯歎然有餘我提一觴遠適墟墓長松之陰慘愴相顧
問我與子胡爲其然我不自知子亦不言凡今之朋利名
是賴惟我與子不營其外我乖於世動輒有尤惟與子處
如疾斯瘳如何今日子又我棄獨行熒熒低顏失氣自子
云沒寡妻去惟皤皤二老於何其依子之奇窮匪我能救
哭泣陳詞惟心之疚

劉才甫祭吳文肅公文

嗚呼我初見公公在內閣皓髮朱顏笑言磊落追念平生
朋好游從歛歔晚遇石友之功留我信宿取酒斟酌親布
衾襦權其厚薄我生蓋寡得此於人而況公德齒爵皆尊
公年七十稱觴命坐落落羣賢其中有我我謂公健百歲
可望相見無幾遽哭於堂嗚呼人之生世遽然一夢惟其

令名一世傳頌死而不死夫又何悲爲知已痛哭泣陳辭
劉才甫祭舅氏文

維年月日劉氏甥大槐謹以清酌庶羞之奠致祭於舅氏
楊君穉棠先生之靈嗚呼舅氏以君之毅然直方長者而
天乃絕其嗣續使熒熒之孤魄依於月山之址槐不肖未
嘗學問然君獨顧之而喜謂能光劉氏之業者其在斯人
吾未老耄庶幾猶及見之矣嗚呼孰知君之忽焉以歿而
不肖之零落無狀今猶若此尙饗